

四庫全書

史部

欽定四庫全書

欽定大清一統志卷一百二十九

兗州府

在山東省治南三百二十里東西距五百十里南北距二百六十里東至沂州府費縣界

一百六十里西至曹州府濮州界三百五十里南

至江南徐州府沛縣界一百五十里北至泰安府

肥城縣界一百一十里東南至沂州府蘭山縣界

三百三十里西南至曹州府曹縣界三百一十里

東北至泰安府泰安縣界一百八十里西北至泰

安府東平州界一百六十里自府治至京師一

千二百

三十里

分野天文奎婁分野降婁之次兼胃室壁氐房心之

分

建置沿革禹貢徐兗二州之域

府治及東境屬徐州西北境屬兗州周

為魯國

東南境為邾小邾滕薛諸國西南境為曹國兼宋地

戰國屬楚秦置

薛郡漢更為魯國置山陽郡後漢因之三國屬魏

晉改山陽為高平國劉宋元嘉三十年始更置兗

州

宋書州郡志兗州刺史後漢治山陽昌邑魏晉治廩丘武帝平河南治滑臺文帝元嘉十三年

治鄒山又寄治彭城二十年省兗州分郡屬徐冀州三十年復立治瑕丘按今府治即漢瑕丘縣

自漢以來兗州徙治不一其治瑕丘自此始也後魏仍曰兗州  
兗州亦治

滑臺魏書紀傳多稱此為東兗州太平十  
八年以東平屬司州始直稱此為兗州 隋大業

元年廢州置都督府二年改魯州三年改魯郡 時始

自曲阜徙  
治瑕邱 唐武德五年復曰兗州貞觀十四年置

都督府天寶初復曰魯郡乾元初復曰兗州屬河

南道後置節度使賜號泰寧軍 唐書方鎮表乾元  
二年升鄆齊兗三

州都防禦使為節度使治兗州寶應元年廢長慶  
元年升沂海觀察使為節度使徙治兗州太和八

年復廢為觀察使大中五年又升沂海觀察使為  
節度使乾寧四年賜沂海節度使為泰寧軍節度

使 五代因之周廣順二年罷軍宋初仍曰兗州魯

郡復置泰寧軍節度大中祥符元年升大都督府  
政和八年升為襲慶府屬京東西路金復曰兗州  
大定十九年改曰泰定軍屬山東西路元亦曰兗  
州初屬濟州憲宗二年屬東平路至元五年復屬  
濟州十六年屬中書省濟寧路明洪武初曰兗州  
屬濟寧府十八年升為兗州府

本朝因之

乾隆四十一年升濟寧為直隸州以金鄉嘉祥魚臺三縣屬之領縣十

滋陽縣

附郭東西距三十里南北距五十里東至曲阜縣界十里西至濟寧州界二十里南

至鄒縣界二十里北至寧陽縣界三十里東南至  
鄒縣治五十里西南至濟寧州治六十里東北至  
寧陽縣界四十里西北至汶上縣界六十里春秋  
魯負瑕邑漢置瑕邱縣屬山陽郡後漢因之晉省  
入南平陽縣劉宋元嘉三十年始置兗州治瑕邱  
故城後魏因之隋開元十三年始復置瑕邱縣為  
州治唐及五代因之宋大觀四年避先聖諱改曰  
瑕縣尋又改為嵒陽金元皆因之明洪武初省縣  
入兗州十八年升兗州為府復置嵒  
陽縣成化間易嵒為滋  
本朝因之  
**曲阜縣** 在府  
東三  
十里東西距五十里南北距五十五里東至泗水  
縣界三十里西至滋陽縣界二十里東至鄒縣界  
二十五里北至寧陽縣界三十里東南至嶧縣治  
二百六十里西南至濟寧州治九十里東北至泰  
安府泰安縣界五十里西北至寧陽縣治六十里  
古少皞之墟周初曰曲阜封周公子伯禽於此為

魯國秦為薛郡治漢置魯縣為魯國治後漢因之  
晉為魯郡治宋及後魏因之北齊改郡曰任城隋  
開皇三年廢郡四年改縣曰汶陽十六年又改名  
曲阜屬魯郡唐貞觀元年省八年復置屬兗州五  
代因之宋大中祥符五年改曰仙源縣金復  
為曲阜元因之明屬兗州府 本朝因之 寧陽

縣

在府北五十里東西距七十五里南北距五十  
里東至泗水縣界五十里西至汶上縣界二  
十五里南至滋陽縣界二十里北至濟南府肥城  
縣界三十五里東南至曲阜縣界三十里西南至  
濟寧州治九十里東北至泰安府泰安縣界五十  
里西北至東平州治一百二十里春秋為魯之闡  
邑漢置寧陽侯國屬泰山郡後漢屬東平國晉省  
北齊移置平原縣於此隋開皇十六年改縣曰龔  
邱屬魯郡唐屬兗州五代因之宋大觀四年又改  
曰龔縣金大定二十九年復曰寧陽縣元至元二

年省入嶧陽大德元年復置仍屬  
兗州明屬兗州府 本朝因之 鄒縣 在府東南  
五十里東

西距一百里南北距七十五里東至泗水縣界六  
十五里西至濟寧州界三十五里南至滕縣界五  
十里北至曲阜縣界二十五里東南至滕縣界七  
十里西南至魚臺縣界七十五里東北至泗水縣  
界八十里西北至滋陽縣界三十里春秋邾國魯  
繆公時改為騶漢置騶縣屬魯國後漢晉宋魏隋  
因之唐屬兗州五代因之宋熙寧五年省為鎮入  
仙源縣元豐七年復置仍屬兗州金屬滕州元因  
之明洪武中改屬兗 泗水縣 在府東少北九十里  
州府 本朝因之 東西距一百里南北

距七十五里東至沂州府費縣界七十里西至曲  
阜縣界三十里南至鄒縣界二十五里北至泰安  
府泰安縣界五十里東南至嶧縣治二百四十里  
西南至鄒縣治九十里東北至泰安府新泰縣界



漢置卞縣屬魯國後漢因之晉屬魯郡劉宋因之

後魏省屬鄒縣隋開皇十六年改置泗水縣屬魯

郡唐屬兗州五代及宋金因之元至元二年省入

曲阜縣三年復置仍屬兗州

明屬兗州府本朝因之

**滕縣**

在府東南一百四十里東西距

一百六十里南北距一百五十里東至嶧縣界一

百里西至魚臺縣界六十里南至江南徐州府銅

山縣界一百十里北至鄒縣界四十里東南至嶧

縣界五十里西南至徐州府沛縣界七十里東北

至沂州府費縣界一百四十里西北至鄒縣界四

十里周時滕薛小邦三國地戰國時為齊地秦為

薛縣地漢置蕃縣屬魯國後漢因之晉屬魯郡元

康中改屬彭城郡宋因之後魏孝昌二年置蕃郡

元象二年省武定五年復置北齊郡廢隋開皇十

六年改蕃曰滕縣屬彭城郡唐屬徐州五代因之

宋兼置滕陽軍金大定二十二年置滕陽州二十四年改置滕州仍治滕縣屬山東西路元因之明洪武二年州廢以縣屬濟寧府十  
嶧縣 在府東南  
二百六十  
里東西距一百六十里南北距一百二十里東至沂州府郯城縣界一百十里西至滕縣界五十里南至江南徐州府邳州界六十里北至沂州府費縣界六十里東南至邳州治一百八十里西南至徐州府銅山縣界五十里東北至沂州府蘭山縣界二十里西北至滕縣界七十里春秋時鄆國地戰國屬楚為蘭陵邑漢置蘭陵永二縣屬東海郡後漢因之晉元康元年置蘭陵郡劉宋移郡治昌慮省蘭陵入承縣屬之後魏武定五年復置蘭陵郡并置蘭陵縣屬之北齊廢蘭陵縣隋開皇三年郡廢十六年置鄆州大業初州廢改承縣為蘭陵縣屬彭城郡唐武德四年復置鄆州又改蘭陵為

永縣貞觀初州廢縣屬沂州五代及宋因之金明  
昌六年又改永縣為蘭陵貞祐四年改屬邳州尋  
於縣置澤州元屬益都路至元二年省縣屬州明  
洪武二年降州為澤縣屬濟寧府十八年屬兗州  
府本汶上縣在府西北九十里東西距一百五  
朝因之汶上縣里南北距六十五里東至寧陽縣  
界三十五里西至曹州府鄆城縣界七十里南至  
濟寧州界四十五里北至泰安府東平州界二十  
里東南至滋陽縣界三十里西南至嘉祥縣界六  
十五里東北至東平州界四十里西北至東平州  
界二十五里古厥國春秋時魯中都地戰國屬齊  
為平陸邑漢置東平陸縣屬東平國後漢及晉因  
之宋初曰平陸元嘉中改置樂平縣兼置陽平郡  
尋廢大明元年復置郡後魏曰東陽平郡仍治樂  
平北齊郡廢隋開皇十六年復改樂平曰平陸屬  
魯郡唐初屬兗州天寶元年改曰中都貞元十四

年改屬鄆州五代因之宋屬東平府金貞元元年改曰汶陽泰和八年又改曰汶上元屬東平路明

屬兗州府東平州

### 陽穀縣

在府西北三百里東西距七十里南北距九十

本朝屬兗州府

里東至泰安府東阿縣界四十里西至曹州府朝城縣界三十里南至壽張縣界三十里北至東昌府聊城縣界六十里東南至壽張縣界十五里西南至曹州府范縣治四十里東北至聊城縣界七十里西北至東昌府莘縣界二十里春秋齊柯邑漢置東阿縣屬東郡為都尉治後漢因之晉改屬濟北國宋大明元年省後魏復置仍屬濟北郡隋開皇十六年因縣境有故陽穀邑析置陽穀縣屬濟北郡唐初屬濟州天寶十三載州廢以縣屬鄆州宋屬東平府金因之元屬東平路明屬兗州府本朝因之雍正八年分隸東

### 壽張縣

在府西北二百四十里東西距

八十里南北距六十五里東至泰安府東平州界  
五十里西至曹州府范縣界三十里南至曹州府  
鄆城縣界六十里北至陽穀縣界五里東南至東  
平州界五十里西南至范縣界三十里東北至泰  
安府東阿縣治九十里西北至陽穀縣界五里漢  
東郡范縣地隋唐宋為壽張縣地金大定七年移  
置壽張縣十九年復還舊治元因之屬東平路明  
洪武初又移治於今縣屬東平州十八年改屬充  
州府 本朝因之雍正八年分  
隸東平州十三年仍屬兗州府

形勢大野既豬有羽有蒙孤桐蟬珠泗沂攸同

揚雄  
徐州

歲

南抱黃河注以汶泗沂梁之水北瞻泰岱翼以

尼防鳧繹之山

通志

風俗魯秉周禮

左傳

孔子修六經以述唐虞三代之道

是以其民好學上禮義重廉恥

漢書地理志

賤商賈務

稼穡尊儒慕學得洙泗之俗

隋書地理志

人情樸厚俗

有儒風

文獻通考

城池兗州府城

周十四里有奇門四郭門五濠廣三  
大明洪武十八年築正德後屢經修

築

本朝康熙

曲阜縣城

周十里門五濠廣一大明  
正統七年自縣東十里徙

建嘉靖以後屢修

寧陽縣城

周四里有奇門四濠廣一丈  
二尺宋天聖中築明嘉靖後

屢修甃以甗

本朝

鄒縣城

周四里有奇門四城  
濠與小沙水相通舊

康熙二十四年重修

土築明萬歷五年甃以甌本朝順治五年康熙七年四十八年重修泗水縣城周

里有奇門四濠廣一丈二尺明成化間修築隆慶間甃以石滕縣城周五里有奇門四濠

廣三丈五尺引梁溪水注之明洪武二年因舊址甃甌石本朝乾隆三十二年重修嶧縣

城周四里門四濠廣三丈明成化二十二年因舊址甃石汶上縣城周十二里有奇

門四濠廣一丈二尺明成化以後屢築本朝順治十四年修陽穀縣城周十二里有奇

濠廣二丈舊土城明萬歷五年甃甌二十五年加築護城堤本朝康熙五十年修壽張縣

城周五里門四濠廣三丈明宏治十四年增築本朝順治十七年重修

學校兗州府學在府治北舊在府治東南唐大中間兗海觀察使劉苾卜建宋景祐中州

守孔輔道重修元明以來屢經修葺  
本  
滋陽縣

學

在縣治康熙間修入學額數二十名  
在縣治東元時為充國復聖公廟後毀明洪武

名  
曲阜縣學

在闕里西舊在曲阜故城內明正德  
九年遷建於聖廟東嘉靖五年復徙

於廟西饗相圃故址崇禎四年重修入學額數十

二名又於額設樂舞生內考取四名四氏學在闕

里東舊名孔氏家學魏黃初二年令魯郡修聖廟宗

聖侯孔羨於廟外為屋以居孔氏學者宋祥符間

知縣孔昂於廟側建學延祐間增入顏孟二氏子

孫明洪武初改名三氏學萬厯間又入曾子後裔

改名四氏學入  
寧陽縣學

在縣治東北元時為縣  
學額數二十名  
治後縣徙以其地為學

至元間始建  
本朝康熙十  
在縣治西元

年重建入學額數十五名  
鄒縣學  
元貞元年改



建明天啟間修 本朝康熙二  
十三年重修入學額數十五名  
泗水縣學 在縣治

在城東南一里宋元豐間建明洪武八年徙  
此 本朝順治康熙間重修入學額數八名  
滕縣

學 在縣治西宋大觀間建明洪武二年重建天啟  
三年修 本朝康熙五十年重修入學額數

二十  
名 嶧縣學 在縣東門外宋初建元廢明洪武二  
十三年重建 本朝康熙間重修入

學額數  
十五名 汶上縣學 在縣治東元至元間建明洪武  
以後屢修 本朝康熙間重修

入學額數  
十五名 陽穀縣學 在縣治東宋崇寧中建元至  
元間修明成化間重修 本

朝康熙五十年修  
入學額數十五名 壽張縣學 在縣治東明洪武  
間建正統間修

本朝康熙五十五年重  
修入學額數十二名 東魯書院 在府城內 本朝  
乾隆二十五年修

舊名少陵書院又曲阜縣洙泗書院元至元十年建明呂枏有記本朝乾隆十三年

聖駕幸魯有

御製洙泗書院詩又鄒縣近聖書院康熙三十一年建

滕縣道一書院乾隆十年建金鄉縣山陽書院乾隆二十五年重建其餘各縣俱設有義學按滋

陽縣舊有顏子書院在縣南八里唐開元間封顏

子為兗國公立祠於此後改為書院曲阜縣舊有

尼山書院在縣東南六十里尼山上元至順間建

賜額設山長學士虞集有記鄒縣舊有子思書院

在縣東南縣志相傳為子思講堂故址亦即孟母

三遷處元元貞間鄒縣尹司居敬構堂曰中庸精

舍大德間奏立書院明正統間重修滕縣舊有性

善書院在縣西南元延祐元年建舊隸學宮明天

啟間移建汶上縣舊有聖澤書院在縣城內明

嘉靖二年由縣西新開河東移建附記於此

戶口

原額人丁十三萬八千九百七十九  
又滋生人丁九萬七千一百十八

田賦

田地九萬七千二百一十三頃二畝二分零額  
徵地丁銀二十八萬八千四百二十三兩三錢

六分零米二萬九千二百五  
十三石八斗四升五合零

山川 崑山

在滋陽縣西三十里高一里廣三里上有  
神祠宋熙寧中封為惠應侯馬端臨文獻

通考

瑕邱縣有崑陽山按元大德間碑云兗郡

有山曰崑郡在其左故縣名崑陽諸志稱為崑陽

山非

甌山

在滋陽縣東北十里逶迤綿亘接曲阜  
寧陽二縣界北史張華原傳兗州東北

七十里甌山中有六駭食猛獸即此按兗州府

志是山列曲阜縣下一名九仙山後有白雲洞西

有孔子石曲阜縣志亦同約

防山

在曲阜縣東三十里周八里高

其道里太遠今仍入滋陽

三里峯如筆床一名筆架山山北三里餘即啟聖王墓春秋僖公十四年季姬及鄆子遇于防史記孔子世家防山在魯東李吉甫元和郡縣志防山在曲阜縣東二十五里禮記曰孔子既得合葬于此防也

### 女陵山

在曲阜縣北二十里樂史太平寰宇記相傳秦始皇東巡女死葬此因名

### 尼山

在曲阜縣東南六十里連泗水鄒縣界一名尼邱山史記孔子世家叔梁紇與顏氏禱於

尼邱得孔子元和郡縣志尼邱山在泗水縣南五十里闕里志尼山東有顏母山西有昌平山山脈皆自泰山來其外衆山連絡拱不可勝數若尼山之翼云孔涇祖庭廣記曰其山五峯連峙謂之五老峯中峯即尼邱迥出雲漢間所謂圩其頂者此也中峯之麓有先聖廟廟北為中和壑壑上有觀川亭壑下沂水出焉流而下注為智源溪溪流而南其上為坤靈洞元皇慶間鄒尹司居敬刻孔

子石像於中過溪而東有文德林宋仁宗皇祐二年以孔子誕生之地封山神為毓聖侯有御製碑

記  
**顏母山**

在曲阜縣東南尼山東三里兩山相對中隔沂水上有聖井及顏母祠

**平山**

在曲阜縣東南五十里尼山之西接鄒縣界史記孔子生魯昌平鄉陬邑即此

**石門**

**山**

在曲阜縣東北五十里上有石門寺峻河發源於此唐李白有魯郡東石門重別杜甫詩按

太平寰宇記嶮河發源九龍

**鳳凰山**

在寧陽縣東五十里上為

寧家寨有平地  
可容數百人

**寧山**

在寧陽縣北十八里縣在其南故曰寧陽其北為伏山洞

鐫石佛故  
又名佛山

**九頂山**

在寧陽縣東一百里山有九峯故名

**鳳仙山**

在寧陽縣

南六十里府志上有洞  
瀑布幕之謂之水簾

**告山**

在寧陽縣東北二十里南峯上有玉皇洞

洞中石壁飛泉甘若玉露其北有虎尾  
**爵山** 在寧陽縣

山皮山其西有陪尾山北有仙人洞  
東北七十里縣志相傳魯義姑遇齊師棄子於此  
或謂春秋時有神爵集於上故名山之東為鳳屏

山西為  
**靈山** 在寧陽縣東北九十里南接泰安府  
新泰縣界樹木蔥蔚四時蒼翠又東

有玲  
**雲山** 在寧陽縣西北十五里上有穴四時出  
雲又西北為蕭亭山鶴山龜山接汶上

縣  
**牟山** 在寧陽縣西北四十里下枕  
汶流山陰有石井深數丈  
**鄒嶧山** 在鄒縣東

南二十里本名嶧山亦名邾嶧山書禹貢嶧陽孤  
桐詩魯頌保有鳧繹詩補傳繹與嶧同左傳文公

十三年邾文公卜遷於繹注魯國鄒縣北有繹山  
史記秦始皇紀二十八年上鄒嶧山刻石頌秦德

漢書地理志魯國鄒嶧山在北郭璞曰嶧山純石  
積構連屬如繹絲然故以繹名鄒道元水經注山

東西二十里高秀獨出積石相臨殆無土壤石間多孔穴洞達相通往往有如數間屋處其俗謂之繹孔永嘉中太尉郝鑒將鄉曲逃此山今山南有大繹名曰郝公繹山北有絕巖秦始皇觀禮於魯登於繹山之上命丞相李斯以大篆勒銘山嶺名曰書門蕭德言括地志繹山一名鄒山在鄒縣南二十里即禹貢之嶧陽也劉蒼鄒山記山下是鄒縣本是邾國魯穆公改鄒山從邑變故謂鄒山太平寰宇記嶧山有穴遙與洞庭通府志山南有大通巖巖下石洞宏敞為孔子坐像巖上為妙光洞山左為東華宮又上為白雲宮宮後有白雲洞洞上為五華峯由洞穴穿入上至峯頂紀子墓在焉山下有孤桐寺洞穴甚多不可勝紀山南為故鄒國城所謂邾邲遷於繹也縣志嶧山一名鄒嶧為別手邱之葛嶧也周圍二十餘里自麓至巔計八里許按鄒山即嶧山古無鄒山之名禹貢魯頌皆

止稱嶧史記始兼稱鄒嶧蓋以地冠山鄒山記所謂山從邑變是也漢書地理志則仍稱嶧山自劉

昭注元和郡國志及魏收志始分鄒與嶧為二考

秦皇所勒石者鄒嶧而宋書載魏主燾登鄒山什

秦皇碑可知鄒與嶧接嶧山在鄒縣東五里狀

互稱分為二者誤如兩車相接故名連

青山

在鄒縣東六十里其勢連綿銳岡山在鄒縣

兩岡南北相對小馬鞍山在鄒縣北二十里形如

沙河經其東麓馬鞍山故名山之麓為孟

母墓宋孔道輔牙山在鄒縣東南嶧山北後漢書

嘗建廟墓前郡國志騶城北有牙山牙山

北有唐口山唐口山北有陽山府志嶧山與牙山

大小相錯狀若大牙牙山之北有小邱山又北為

唐口山又北為嶧山縣之東南山十餘數皆絡繹

相銜狀如貫珠以達於繹若扈從云又縣東南三



十里有紅

鳧山

在鄒縣西南五十里接魚臺縣界即魯頌之鳧山也元和郡縣志鳧

溝二山

山在鄒縣東南三十八里于欽齊乘鳧山在鄒縣

西南五十里古有伏羲廟今云有伏羲墓非也府

志山南有呂公洞洞有丹井其上有伏羲廟廟前

有雙栢可數千年物縣志山分東西名曰雙鳧

九龍山

在鄒縣東北二十里山形起伏凡九工有靈泉一名靈山其西南十里為珠山山形

獨立如

四基山

在鄒縣東北三十里大小沙河俱發源於此山巔有石狀如堂基其

珠故名

西麓為亞

距越山

在鄒縣東北七十里與尼山相接山形高大冠於羣峯上有龍

聖孟子墓

陪尾山

在泗水縣東五十里泗水發源於此山東有湖謂之

井禱雨輒應井

前有距越廟  
濁澤接沂州府費縣界書禹貢熊耳外方桐栢至  
於陪尾史記作負尾漢志作橫尾孔傳云淮出桐

栢經陪尾鄭氏謂在江夏安陸東北吳澄書纂言曰安陸橫山非淮所經當即泗水縣陪尾山其以橫尾為陪尾者非是按泗水源出陪尾為淮所會其去江夏安陸道里懸絕殊難牽合恭讀乾隆

二十二年

御製至泉林詩注及

御製

泗水源詩以安陸之陪尾別為一山足正古來說經之失矣

商寨山

在泗水縣東南二十

里一名商山亦名昌山兩山相對形勢峻巉上有石臼泉池下有鮑村東巖黃陰三泉流入泗水

安山

在泗水縣東南三十五里石洞森列泉出其中上多喬木

厯山

在泗水縣東南七十

里按費

龜山

在泗水縣東北五十里與沂州府之蒙山相連詩魯頌奄有龜蒙春秋定

公十年齊人來歸鄆讎龜陰田水經注龜山在博縣北一十五里昔夫子望山而懷操故琴操有龜

山操馬山北即龜陰之田也元和郡縣志龜山在泗水縣東北七十五里縣志龜山在縣東北五十里與新泰縣接界又縣東南五十里亦有龜山小山也以形似名按縣志龜山與新泰縣接界是新泰縣之龜山與薛山在滕縣東四十里一名雪此為一應入於此薛山山之東皆削壁薛水出其下上有悟真巖盤陀石青龍白雲趙仙黃龍丹陽諸洞下有茶泉流入薛水其北為高山高山之南有雲龍山齊乘泉固山在滕縣東九十里山勢高山上趙盾祠峭聳巉絕突起數十仞四壁如削成斜懸一徑僅能受足下有泉可飲千人又東一百十里為胡陵山一山中分東則費西則微山在滕縣南一百里接江南徐州府沛縣界滕微山魏書地形志彭城郡留縣有微山元和郡縣志微山上有微子塚在沛縣東南六十里府志微山上有留侯墓其下為微山湖黃溝水入焉又

東南為赤山其下為赤山湖又稍南為呂孟山其下為呂孟湖微山北有栢山遠望色白亦名白山

**龍山**

在滕縣北二十五里峯巒奇秀蜿蜒如龍上有龍湫流為小白河又北十五里為雙谷山

兩峯對峙山多

**狐貍山**

在滕縣東南二十里左傳襄公四年臧紇救甌侵邾

虛谷有聖水泉

敗于狐貍注狐貍郭地魯國蕃縣東南有目台山縣志狐貍山一名目台俗省字訛為胡山壺山皆

非

**蠶母山**

在滕縣東南三十里其上有桑霜降不落故名少東為落鳳山起伏如波浪縣

志相傳有鳳

**桃山**

在滕縣東南三十里太平寰宇記桃山即華采山也齊乘桃山

在滕州南五十里今訛作陶山

謂有陶朱公墓西

微山謂有微子墓皆謬

按滕縣志別有桃山在

縣南六

**奚公山**

在滕縣東南六十里其南有梁山形方而長故名元和郡縣志奚公

山在滕縣東南六十里  
奚仲初造車於此處

茱萸山

在滕縣東南一百里山有九十九峯

九十九峪壽聖泉出焉

青龍山

在滕縣東北五十里三峯特峙狀如僧笠前有水峪棠梨

峪亦名梨山又名牙山稍南有寄寶山屏山寶峯山華蓋山寶峯之西為馬山山南有泉流為明水

又西為石溝車箱水出焉北流入鄒青龍山西五里有鳳凰山

蓮青山

在滕縣東北五十里

山有二其一為西蓮青絕頂兩峯挿入雲漢名蓮花峯其一為東蓮青上有九十九峯前有玉女池

後有水簾洞東有桃花谷谷多桃花每春水出澗浮帶落花邑人謂之小桃源自蓮青而東踰鄒河

萃然聳秀者為巨越山又東為連珠山

大崖阜山

龜步水出焉西流至鳳凰山入鄒河  
在滕縣東北九十里狀如三重臺閣高出雲表四面皆削壁有一徑直上稍南為嶢山有瀑布流為

石溝水下  
流入潞河

### 述山

在滕縣東北一百里潞水發源於此山上有寨四面皆絕壁惟東北

一鳥道稍東折而南為曾子山有曬書臺縣志相傳曾子讀書於此

### 黃約山

在滕縣東北一

百十里一名黃葉山山巔石裂尺許下探無際雲出如烟號曰雲谷山下有黃約城

### 樓山

在滕

縣東北一百二十里黃約山東北縣志山巔有井

前一小山為樵山有泉水歷疊巘而下聲聞一里望之如曳練下有胭脂溝水淡紅如桃花色即雨

雨止如故又東北十二里為太白山有瀑布稍西

為仙姑山山南橫卧者為鳳凰嶺嶺南則潞水南流嶺北則沂水北流由嶺而東上為崆峒山山有

洞多白蝙蝠大者如鴉

### 染山

在滕縣西北五十里其北即鄒縣西接魚臺縣界齊乘山有伏

義廟聖

### 葛嶧山

在嶧縣東南十五里嶧縣以此得名亦名嶧陽山今名柱子山下有

村落永水繞其下後漢書郡國志注山出名桐伏  
滔北征記今槃根往往而存元和郡縣志嶧陽山  
在下邳縣西六里舊志山之西南有黃爐山產銅  
羅泌路史云顓頊修黃帝之政采葛嶧之銅鑄鼎  
以箴天下之神主按禹貢孔疏以嶧陽為葛嶧  
蔡傳因之其說本後漢書注攷宋儒以前未有以  
鄒嶧為嶧陽者獨王應麟詩傳有

### 青石山

在嶧縣東七里

是說或非無見姑並存以俟考

上有石穴深數丈名仙人洞四圍懸崖古木陰森  
西崖尤峭峻雨後瀑飛千尺自削壁而下直達澗

### 青檀山

在嶧縣西七里上多青檀山巔有流泉  
徑縣南會永水入洳河宋岳飛嘗留題

### 巖石屋山

在嶧縣西二十里山麓有泉泉瀉為瀑  
布下流為金注水其南有大名山又西

三里有馬頭山山前壁立如削旁一鳥道達其上  
絕頂有二池遇旱不涸其地平曠可耕山東有龍

塘泉東流會

青檀寺水

# 白茅山

在嶧縣西四十五里山後有玉華泉流為彭河

# 望仙山

在嶧

縣南二十里高峻莊嚴如人端坐拱手狀頂甚平曠其西為丁公山峯亦奇秀縣志相傳漢丁公曾避難於此

故名更南三十

# 車梢山

在嶧縣北六十里一名三峯山即太平寰宇記所謂花盤山也

里有鑄錢山

四圍峯巒突兀俯臨澗壑澗下一池深杳莫測滄浪淵

出馬為永水上源其西曰巨梁山一名巨龍山其南半

里許為將軍山斗山及熊耳山山南有黃龍洞中空濶

委折高數丈深十餘丈燭以火乃可入西巖有泉旁多

石乳有白蝸

# 君山

在嶧縣北六十里西泗水發源於此古名抱犢山亦曰抱犢峒魏書地形

志蘭陵郡承縣有抱犢山元和郡縣志抱犢山在承縣

北六十里壁立千仞頂寬而有水山去海三百餘里天

氣澄明宛然在目昔有遜隱者抱一犢於上墾種故以

為名山山高九里周迴四十五里太平寰宇記抱犢山抱



朴子云出芝草齊乘君山一

**夾山**

在嶧縣北七十里縣志相傳即春秋之夾

名抱犢山在嶧州北六十里

谷非也相近又有

**寨山**

在嶧縣東南六十里形圓如覆金有壁壘井白遺址東麓有泉

夾兒山舊有錫場

名一勺雨後

**鐵角山**

在嶧縣西南二十里巖畔有洞可容數十人山頂絕險繚以周垣狀

噴薄殊可觀

如壁壘山下有泉居民引以溉田縣西

**仙壇山**

在嶧縣東北一

南九十里有馬山形若奔馬武水出焉

里舊志山巔廣數里攢簇奇秀望之如廬相傳古

仙人所居山腰有痕如帶亦名王帶山又名鳳山

**天臺山**

在嶧縣東北五十里山頂平

**太白山**

在汶上縣東五十里縣志相傳唐李白嘗

如圓蓋四壁巉峻望之入雲

至其上因名俗呼為牛山其旁

**青山**

在汶上縣北三十五里怪石聳翠俗名卧

為雲尾山二山出雲相接則雨

佛山又縣北四十里有松山孤

**蜀山**

在汶上縣西南四十里其下即蜀山湖四

峯獨峙叢柏蔚鬱舊亦名青山

望無山屹立波心爾  
**坦山** 在汶上縣東北二十里  
雅山獨者蜀故名

為壇山以舊有禱雨壇也其西巖憑視城郭如在  
宇下又東北五里為金山亦名榻山榻山之右為

九峯山又北為采穀山 在陽穀縣治東北  
山皆坦山之支云 小阜也縣因以名 **梁山** 在

張縣東南七十里本名良山以梁孝王遊獵於此  
而名上有虎頭崖宋江寨其下舊有梁山梁又縣

城東南有鳳山故  
縣城亦名曰鳳城 **壽邱** 在曲阜縣東北八里皇甫  
謚帝王世紀黃帝生於壽

邱史記五帝本紀舜作什器於壽邱元和郡縣志  
壽邱在曲阜縣東北六里皇甫謚以為在魯城東

門之北 按五帝紀黃帝生於壽邱則非葬於壽  
邱可知金改壽邱為壽陵舊志遂列黃帝陵於曲

阜誤也 本朝遣官祭告黃帝陵在今陝  
西鄜州中部縣與壽邱無涉附辨於此 **曲阜** 在

阜縣治東禮記明堂位成王封周公於曲阜爾雅  
大陵曰阜後漢書郡國志注帝王世紀曰少昊自  
窮桑登帝位窮桑在魯北後徙曲阜應劭風俗通  
春秋左傳魯公伯禽宅曲阜之地阜者茂也言平  
地隆踊不屬於山陵也元和郡縣志曲阜在魯城  
中委曲長七八里縣治及季子臺大庭氏庫並在  
其光武洞在鄒縣南瓦曲村相傳漢光武嘗  
避兵於此元大德間碑記猶存

覺林

洞

在嶧縣北五十里一名朝陽洞林木交蔭蒿蘿  
下垂境頗幽邃又南二里為九陽洞地多桐樹

路亦險峻山頂有蓮花峯又梁王洞在覺林西  
北有林泉之勝縣志相傳為梁武所鑿故名

運

河

自江南徐州府沛縣入府境逕嶧縣南五十里  
西北逕滕縣東南六十里又西北逕魚臺縣東

北三十里折而北逕濟寧州西三里與嘉祥縣分  
界又北逕汶上縣西南三十五里又北入泰安府

東平州界自南而北有洳河南旺張秋等名元史  
河渠志濟州汶泗相通河非自然長流河道於充  
州立牌堰約泗水西流堰城立牌堰分汶水入河  
南會於濟州以六閘轉節水勢啟開通放舟楫南  
通淮泗以入新開會通河明史河渠志太祖定都  
應天用海運以餉遼卒洪武二十四年河決原武  
漫安山湖而東會通盡淤成祖肇建北京轉漕東  
南一仍由海一則浮淮入河至陽武陸輓百七十  
里抵衛輝浮於衛海運既險陸輓亦艱永樂九年  
用濟寧州同知潘叔正言命尚書宋禮等濬會通  
河禮用汶上老人白英策築壩東平之戴村遏汶  
使無入洸而盡出南旺南旺者南北之脊也自左  
而南距濟寧九十里合沂泗以濟自右而北距臨  
清三百餘里獨賴汶自南旺分水北至臨清降地  
九十尺置閘二十有一南至鎮口降百十有六尺  
置閘二十有七其外又有積水進水減水平水之

開五十有四壩二十有一所以防運河之洩佐開  
為用谷應泰明紀事本末正統十三年河決滎陽  
經曹濮以入運河至兗州沙灣之東堤大洪口而  
決濟汶諸水皆從之入海會通遂淤景泰四年左  
僉都御史徐有貞疏上流為渠起金堤張秋西南  
踰范濮經澶淵以接河沁用平水勢又濬漕渠出  
沙灣北至臨清二百四十里南至濟寧三百一十  
里嘉靖七年以河決東溢逾漕入昭陽湖運道大  
阻都御史盛應期上言宜於昭陽湖左別開新渠  
北起姜冢口南至留城一百四十餘里以通漕舟  
其地居河上流土皆沙淤功弗就四十四年河盡  
北徙吏部侍郎朱衡左僉都御史潘季馴尋應期  
故道開新河自南陽達留城百四十一里濬舊河  
自留城達境山五十三里八月而成河防志洧河  
以澤縣東西洧水得名明隆慶丁卯庚午間都御  
史翁大立屢疏請開河自馬家橋經利國監入洧

口出邳州以避秦溝呂梁之險議不行萬歷癸巳  
河決汶上灌徐邳潰漕隄二百里總河舒應龍求  
通洩之途於微山湖東得韓家莊可引湖水由彭  
河注之泇開支渠四十餘里工成猶未能通漕也  
己亥秋都御史劉東星來治河舉韓莊未竟之工  
辛丑春再修浚建鉅梁橋石閘一德勝萬年萬家  
莊各草閘一是年漕艘由泇河行者十之三矣癸  
卯河決黃莊入昭陽湖都御史李化龍定計開泇  
棄王市以下三十里之泇河徑從王市取直達紀  
家集南當河深處以避鑿郝山及周柳諸湖百里  
之險遂改挑直河之支渠修砌王市之石壩平治  
大泛口之湍溜撈濬彭家口之淺沙建閘設壩次  
第畢舉通計開泇二百六十里內分邳屬一百里  
隸中河而夏鎮所隸自李家港口東至黃林莊一  
百六十里屬滕縣者五十  
泗水 源出泗水縣東陪  
里屬嶧縣者一百十里

縣北八里又西南流徑滋陽縣東五里轉南流與曲阜縣之西沂水合入金口閘又南流徑鄒縣西南五十里又南至濟寧州會洸水由天井閘入運河凡二百二十里左傳哀公八年齊伐魯次于泗上國語宣公夏濫于泗淵漢書地理志魯國卞縣泗水出魯卞縣北山西南徑魯縣北又西過瑕邱縣東屈從縣東南流鄒水從東來注之又南過平陽縣西又南過高平縣西洸水從北西來注之又南過方與縣東洸水從西來注之又屈東南過湖陸縣南洸水從東北來注之又南過沛縣東注地理志曰出濟陰乘氏縣又云出卞縣北經言北山皆為非矣山海經云泗水出魯東北余昔因公事路經洙泗尋其源流水出卞縣故城東南桃墟西北墟有澤澤方十五里澤西際阜俗謂之媯亭山自此連岡通阜西北四十餘里岡之西際便得泗

水之源也石穴吐水五泉俱導泉穴各徑尺餘泗  
水西逕其縣故城南又西南流逕魯縣分為二流  
北為洙濟南則泗水洙泗之間即夫子領徒之所  
也泗水自城北南逕營城西南合沂水元和郡縣  
志泗水之源有四四泉俱導因以為名明會典泗  
河源出陪尾山西流至兗州城東又南流經橫河  
與沂水合元時於兗州東門外五里金口作壩建  
閘遏泗之南趨明朝因而修築每夏秋水漲則啟  
閘放使南流會沂水由港里河出師家莊閘冬春  
水微則閉閘令由黑風口東經兗州城入濟又南  
流會洸水至濟寧出天井閘入於運河舊志成化  
七年工部主事張盛復作石壩固之以鐵以時啟  
閉為漕河之利謂之金口閘河胡渭禹貢錐指泗  
水自泗水縣歷曲阜滋陽濟寧鄒縣魚臺滕縣沛  
縣徐州邳州宿遷桃源至清河縣入淮此禹跡也  
今其故道自徐州以南悉為黃河所占按明萬



歷以前舊漕河自徐州歷沛縣而北即泗水也其  
支流與汴水合經二洪下接於淮則泗水尚入淮  
也自萬歷二十二年開濬沁河以避黃河水險由  
是黃專合汴泗入運不復達淮 本朝乾隆二十  
二年

聖駕南巡經此有

御製過泗

洙水

在曲阜縣北四里泗水分流也春秋莊  
公九年冬浚洙水經注洙水出泰山蓋

水詩

縣臨樂山西北逕蓋縣又西逕泰山東平陽縣西  
南流盜泉注之又西南流于下城西入泗水亂流  
西南至魯縣東北又分為二水洙水西北流逕孔  
里是謂洙泗之間矣又西南枝津出焉又南逕瑕  
邱城東西南入石門又西南逕南平陽縣之顯閭  
亭西又南洙水注之又南至高平南入于泗元和  
郡縣志洙水東去瑕邱縣二十三里泗水東自曲  
阜縣界流入與洙水合闕里志今洙水與泗水不

通上源在聖林之東止一溝瀆似古魯城之隍也  
穿聖林而橫流過先聖墓前出林復西南流入  
於西沂其故道不可考乾隆二十一年

聖駕幸魯經此有

御製洙河詩

按今洙水上源既不遠而下流即入西

沂與水經注故道迥殊其分流之處轉出泗水之

南亦與水經注南西北洙之說異或以為今之濟

河自府城東金口閘分流貫城而西出至濟寧州

界會洙水入運河疑即洙水故瀆又以府城北二

十五里有沙河三十里有漕河九折而下矯若游

龍亦名九龍灣皆自寧陽縣流西沂水源出曲阜

入又西入洙疑即洙水枝津也縣東南尼

山之麓西北流逕曲阜縣南二里又西流入滋陽

縣境至府城東合於四論語曾點曰浴乎沂左傳

昭公二十五年季平子請待于沂上杜預注魯城

南有沂水水經注沂水出魯城東南尼邱山西北

平地發泉流逕魯縣故城南沂水北對稷門亦曰  
雩門門南隔水有雩壇即曾點所謂風乎舞雩處  
又西逕圓邱北又西右注泗水元和郡縣志沂水  
亦名雩水源出縣東南八里垆澤俗名連泉詩魯  
頌駟駒牡馬在垆之野是也按此沂水齊乘  
謂為西沂其自岱麓之沂山出者別見沂州府

西

洳水

在嶧縣北六十里亦名洳河即古桓水也源  
出縣東北抱犢山東南流至邳州界會沂水

入黃河水經注偃陽縣西北有桓水溝去偃陽八  
十里東南流逕偃陽故城東北南亂於沂而注於  
沐謂之桓口城齊乘有洳河出沂州西北之箕山  
西洳河出嶧州東北抱犢東南流至三合村與  
東洳合又有魚溝水出浮邱山亦合於此故名三  
合南貫四湖又南合武河入泗謂之洳口按唐  
書地理志永縣有陂十三蓄水溉田皆貞觀以來  
築齊乘言今沂嶧二州仰洳河二水溉田青徐水

利莫與為匹皆十三陂之遺跡也明萬曆三十二年總河李化龍開泇口自夏鎮李家港至黃林莊

名曰泇河以此水得名  
**永水**  
在嶧縣西一名承治

二年改泇河為運道  
源曰滄浪淵南流會許池水今滄浪淵水微細獨

許池為正源矣南逕縣城西門外折東流至縣南

三十里納金注水又東納義河水南合泇河入運

河元和縣志承縣以西北承水得名太平寰宇記

云承治水出縣西北方王莽改承縣為  
**鄆水**  
在滕

承治故水有此名今又訛為承治水  
縣南

十五里即南沙河也源出縣東北一百里述山西

南麓西流會黃約山諸泉水逕縣南又西會南梁

河入運河左傳襄公十九年取洙田自鄆水注鄆

水出東海合鄉縣西南流經魯國至高平湖陸縣

入泗水經注鄆水出東海合鄉縣西南流入邾又

薛縣故城北又西逕仲虺城北又西逕朔陸縣入於泗故京相璠曰薛縣鄒水首受蕃縣西至山陽朔陸是也經言瑕邱東誤耳按齊乘云滕州南有薛水即古鄒水出州東高山春秋魯取洙田自鄒水杜注水出東海合鄉縣西南經魯國至高平湖陸縣入泗蓋此水也縣志以為水經注梁水南鄰於鄒即今鄒水也薛水去南梁遠中隔石橋泉河安得鄰之以薛水為古鄒水誤矣且縣東北述山前有分水嶺嶺南至嶧山東水皆東流自崆峒山西至鳳凰嶺北水皆北流東海合鄉之水何從而入杜注亦謬齊乘亦云有沙河水出鄒嶧山皆西南流至山陽湖與南梁相合同入於泗名三河口縣志亦辨其不然以為源自嶧山者此北沙河也西南流入泗者則南沙河乃鄒水也舊入三河口初不與南梁會自漕河東徙過其南流而北出之趙溝始與南梁會合不復入三河口矣

南

梁水

在滕縣東北十五里源出趵突荆溝二泉合而為一西會鄒水入運河漢書地理志魯國

蕃縣南梁水西至胡陵入沛渠水經注泗水又左會南梁水地理志曰水出蕃縣東北平澤出泉若輪焉發源成川西南流分為二水北枝水西出逕蕃縣北西逕滕城北溉公邱田故有兩溝之名南梁水自枝渠西南逕魯國蕃縣故城東俗以為南鄰於鄒亦謂之西鄒水又屈逕城南地理志曰其水西流注於沛沛在湖陸西而左注泗泗沛合流互受通稱經無南梁之名而有洧涓之稱疑卽是水也齊乘南梁水出滕縣荆溝村西南流至滕州東門外折而過城北又西入山陽湖山陽俗名刁陽由湖南出注於泗明統志梁水源發滕縣東一十五里西南流入徐州沛縣界按南梁河舊不與鄒水合而入徐州沛縣界自明嘉靖間運河東徙又遏鄒水導之北出趙溝與南梁會而同入於

漕齊乘明統志所言汶水自泰安府西南流入寧  
輿今河流皆不合矣

四里埧城壩分而為二其一南流別為洸水其一  
西流入東平州界轉西南流至汶上縣北又西南  
會諸泉匯於南旺湖入運河水經注汶水過博縣  
西西南流徑陽關故城西又南左會淄水又南逕  
鉅平縣故城東又西南逕汶陽縣北又西逕汶陽  
故城北又西洸水出焉又西逕蛇邱縣南又西南  
過岡縣北又西蛇水注之又西溝水注之又西逕  
春亭北又汶水自挑鄉四分其派別之處謂之四  
汶口元和郡縣志汶水北去中都縣二十四里又  
北入須昌縣界明會典汶河經寧陽縣北埧城歷  
汶上東平東阿又東北流入海元於埧城之左築  
壩遏汶入洸南流至濟寧合沂泗二水以達於淮  
自永樂間築戴村壩汶水盡出南旺於是洸沂泗  
旬會濟而汶不復通洸舊志汶水至汶上城北二

十五里受樂瀆諸泉謂之魯溝又西南流至城北  
二里受蒲灣泊水謂之草橋河又西南十里謂之  
白馬河又西南二十里謂之鷹河鷹河者故宋之  
運道也洄而為渠汶水由之又西南十五里謂之  
黑馬溝又西南至南旺入於漕六分北流出南旺  
下閘至於臨清會於御河長三百五十里四分南  
流出南旺上閘至於濟寧會於沂泗長一百里  
按汶水有五其源各異詳見泰安府而合流入運  
之地並在今兗州境自乾隆十六

年三十年四十五年四十九年

皇上南巡俱有**洸水**汶水支流也自寧陽縣東北埧城  
御製渡汶河詩**洸水**壩分流西南逕寧陽縣西三里又

南流逕滋陽縣西南又西南流至濟寧州界天井  
閘入運河水經注呂忱曰洸水上承汶水於岡縣  
西岡亭東爾雅曰汶別為閘其猶洛之有波矣西  
南流逕盛鄉城西又南逕寧陽縣故城西又南洙



水支津注之又西南逕乘邱縣故城東又東南流  
注於洙水寧陽縣志元初於堽城左作斗門遏汶  
水入泗於是洸流始盛至元六年以奔流衝激泥  
沙填淤乃議濬之自閘口至石刺以通其源又自  
石刺至高吳橋南至王家道口凡五十六里有奇  
以達其流而洸河復治二十年會通河開北自奉  
符為閘以導汶水盡入於洸東會泗水出於任城  
之會源閘而始分明永樂九年又築堽城壩以遏  
汶水惟壩南官莊河入洸洸流始微成化十一年  
主事張盛復為堽城石閘稍分汶水支流以入於  
洸逕寧陽西南兩崖之間有東西兩閘以備蓄洩  
南涯蛇眼諸泉流入滋陽於是洸水入漕之流滔  
滔不溜水在寧陽縣東北左傳昭公二十六年齊  
絕矣溜水師圍成成人伐齊師之飲馬于溜者水  
經注溜水又西逕成城北又西逕陽關城達汶水  
按此即今小汶河與青州府之溜水為二詳見

泰安府

# 黃河故道

在陽穀縣西北流為倉亭津又歷柯澤又徑

東阿縣故城西而東北注鄧里渠又東北過茌平

徑昌鄉亭稿墩城元和郡縣志黃河在陽穀縣北

十二里又縣東十八里有沙河由曹州府范縣流

逕壽張縣又東流入境雨潦則匯羣川北流至東

昌龍灣入運河相伊家河在嶧縣西南微山湖引

傳亦黃河故道也伊家河在嶧縣西南微山湖引

山諸湖之水其尾間有二一由湖口閘入漕河一

舊由張谷山出荆山橋而南其經流也乾隆二十

一年荆山橋淤塞湖水暴漲奉

旨開伊家河以洩水勢上起微山湖下至江南邳州黃

林莊入運共長六十九里由是諸湖界河在鄒縣

匯流無泛溢之虞而有蓄蓄之利矣南五十

里亦名白水河源出滕縣北龍山西流入鄒縣境

過界河驛仍出滕縣界徑染山前又西南瀦為郁

郎淵一名溫水湖又西北沙河在滕縣北十五里

受聖母池水入運河俗訛為白沙河源

出鄒縣嶧山南流逕龍山後繞出其左又逕龍山

南流至縣西分為二一出休城南至馬家口入運

河一趨休城北又西受北石橋水又西會白水河

入運明統志北沙河源出滕縣北龍山西流逕魚

臺縣界入昭陽湖按魚臺縣志有沙河在縣東

南五十里逕沙湖鎮流入昭陽湖蓋運河故道也

昔與滕縣沙河為一自夏鎮河開改在昭陽

東畔此河不與滕通明統志所言舊道也

石橋

河在滕縣南三十里源出縣南官橋東北平地西

流過故薛城北又繞其西西南流至三河口入

運河按石橋河本與鄒薛為三河鄒既

過而北薛又過而南今入口惟石橋河耳

百中河

在滕縣南八十里源出縣南百中社南

流十里會三里灣河西至留城入運河武河在嶧縣南

一百里源出馬山東流入運河詳見江南邳州

### 清水河

在陽穀縣南五十里自壽張縣流入

東徑張秋鎮南減水閘入運河

### 白馬河

在鄒縣北二十里魏書地形志高平郡平陽有白馬

溝明統志白馬河發源九龍山西流入於泗水舊

志白馬河會馬山孟母等十二泉轉入魯橋濟運

又有紅溝河出縣東南紅溝山流至城西南入白

馬河又有蓼河源亦出九龍山西流逕縣南折而

西北入

### 大沙河

在鄒縣南三里源出四基山西南流徑城南入白馬河又有小沙河

亦出四基山由岡山東麓徑城東而南至城西折

南流明萬厯中知縣王汝振築壩塞西南故道穿

渠導水環城而北復流而南至城西五里營名曰

因利渠

本朝康熙間知縣婁一均募民疏濬城

濠積沙加築深水石壩於西

### 濟河

在泗水縣東一里源出縣東南

南使水勢停蓄以資灌溉

欽定四庫全書

卷一百二十九

珍珠泉又黃陰河在縣東

嶮河

在曲阜縣東北五十里太平寨宇記

三十五里皆北流入泗

在曲阜縣北四十二里源出九龍山東南流入洙其溪礪險隘左傳桓公十二年公會祀侯莒子盟

于曲池杜預注汶陽縣北

彭河

在嶧縣南五十里一名中心溝源出

有曲水亭即以此水為名

縣西白茅山下之王華泉東流合衆水又東會承水入洙明萬厯初總河舒應龍議引河水由彭河

注之洙

金注河

在嶧縣南五里土人訛為金珠源出石屋山南流又東南入於承水

又縣東北三十里有

灤河

在寧陽縣東南五里匯東北蛇眼諸泉環城而

義河西南流會承水

流即今城河也南流至滋陽入漕西流同古城泉

由高吳橋南入洙明統志漕水源發寧陽縣治東

蛇眼泉北流至府城

小沂河

在滕縣東北一百二十里有二源一出縣

東北太白山之東一出縣東北樵山之西俱至縣東北合為沂河入沂州府界蓋即沂州大匡阜之

上源也薛河在滕縣南四十里源出寶峯山東諸泉匯而為淵名西江水又西徑薛山名薛

河又南合東江水東江水出湖陸山西南明河在流至雲龍山入薛河又西南入微山湖

縣東南十里源出嶧縣黑風口諸山泉西逕梁山又西逕奚公山受薛河支流又西逕白山入微山

湖巨龍河在嶧縣西北六十里源出東登村靈山泉西流繞西暨集西南入微山湖

羊河在滕縣西南六十里接江南沛縣界呂孟湖在滕縣南一百二十里北為運河其

西為赤山湖微山湖東為張莊湖又東接嶧縣之韓莊湖實一湖也今通謂之呂孟湖明史河渠志

諸湖連注八十里引昭陽湖在滕縣西南七十里薛河出地埧溝入運魚臺縣東南六十里

欽定四庫全書

卷一百二十九

接江南沛縣界明會典昭陽大湖長十八里小湖長十三里二湖相連北屬滕南屬沛周圍八十餘里納諸縣之水湖口置石閘放水入薛河由金溝口以達舊運河後以河決棄沽頭開新河則南陽在東昭陽在西去黃水益遠運河乃安府志昭陽湖卽山陽湖也亦曰刁陽去滕縣七十里故爲運河東岸受滕縣諸泉滙爲巨浸溢水沽頭閘入運嘉靖末河水東決由運趨湖漕渠阻塞尚書朱衡改新渠於湖東以避河水又於其南築隄以防河患自是河益南徙不復趨湖泉水分流入運亦不能越漕而西湖水填淤居獨山湖在滕縣南六十里樹藝其中化爲膏壤矣獨山湖在滕縣南六十里接魚臺縣界亦名南陽湖沙河鄒泗諸水餘流所滙也亦引流入運河明隆慶六年於南陽北岸爲石隄三十餘里減水閘十四座本朝乾隆二十四年加修水口十八處涵洞四座焉耿武湖在滕縣西

五十里居溫水湖在滕縣西北六十里即郁郎淵北沙河之水所潞也南旺

湖在汶上縣西南三十五里運河西岸周九十三里即鉅野澤東畔也宋時河水東溢與梁山滌

水滙為一周可三百餘里及明永樂中開會通河畫為二堤使漕渠貫其中在東者又分為二南為

蜀山湖北為馬踏湖其間地形特高謂之水脊汶水西南流注於此分南北二流所謂分口也萬歷

間開浚河渠加築舊堤一萬三千餘丈東西子堤一千二百餘丈河防考明永樂中尚書宋禮開會

通河成復請設水櫃以濟漕渠在汶上曰南旺東平曰安山濟寧曰馬場沛曰昭陽各因鍾水相地

勢建閘壩漲則減之入湖涸蜀山湖在汶上縣南則開之入河名曰四水櫃三十五里運

河東岸周六十五里跨汶上嘉祥濟寧三州縣境以湖中有蜀山故名汶上諸水及樂當等泉皆滙



於此每遇運河水弱則開汶上境內金馬踏湖在  
線開嘉祥境內利運開以濟重運焉

上縣西南汶河堤北漕河東岸周三十四里亦名  
南旺北湖明萬厯間創築土堤三千二百餘丈其

上為釣石橋泊在汶上縣南十五里會拔劍石樓  
臺泊泉水西入沙中伏流不見

灤在汶上縣西南二十里周三十里嘗有城郭人  
馬之狀出於水上謂之水市縣西北十五里又

有魚營灤周四十里縣東北三里曰蒲灣灤舊名  
仲勾陂周二十餘里俱入於汶每秋水泛漲一望

無際遠近村落悉梁山灤在壽張東南梁山下久  
在烟波杳靄中

元年河決滑州環梁山入於汶濟司馬光通鑑周  
顯德六年命步軍都指揮使袁彥浚五大渠東過

曹濮梁山灤以通青鄆之漕宋史河渠志天禧三  
年滑州河溢厯澶濮曹鄆注梁山灤熙寧十年河

決於澶州曹村澶淵北流斷絕河道南徙東滙於梁山張澤灤宦者楊戩傳云梁山灤古鉅野澤綿亘數百里濟鄆數州賴其蒲魚之利蓋梁山灤即古大野澤之下流汶水自東北來與濟水會於梁山之東北迴合而成灤宋時決河滙入其中其水益大故政和中劇賊宋江結砦於此其後河徙而南灤亦漸淤迨元開會通河引汶絕濟明築戴村壩遏汶南流歲久填淤遂成平陸今州境積水諸湖即其沙灣在壽張東南三十五里去北安平鎮餘流也十二里黃河舊決口也明史徐九思傳嘉靖中九思以工部郎中治張秋河道議築減水橋於沙灣俾漕河與鹽河相通工成遂為永利舊志明時疏會通河一循元人故道惟於開河間至沙灣北故河道北徙幾二十餘里又引黃河支流自河南封邱縣荊隆口東東至於沙灣以達臨清之衛河宏治中河決於此自是築塞黃陵岡而

沙灣之  
流漸涸

### 廣濟渠

在壽張縣西舊志明正統中河決汴梁東北趨漕河潰沙灣東堤由

大清河入海景泰四年徐有貞修塞決河先疏其上流為渠起張秋金堤通壽張之沙河至於范濮

以達河沁名曰廣濟渠渠口即通源閘也

### 阿澤

在陽穀縣東左傳襄公十四年衛獻公出奔齊

孫林父追之敗公徒于阿澤注東阿縣西南有大澤即阿澤也或曰今七級上下二閘即古阿澤之

地

### 西湖陂

在陽穀縣西十五里亦曰黑龍潭又縣西北二十五里有鶯鵬陂霖雨後視西

湖陂尤廣

### 東泓陂

在壽張縣東一里冬夏不涸又縣東三里有白洋陂

### 孔子準字

池

在汶上縣治堂上縣志自漢唐以來中有池以石為之外方內圓刻鯉魚四環注以水上不在

水面下不在底以示為政者中行之意

### 負瑕泉

在滋陽縣北六里以古負瑕邑得名其東

有闕里等泉西有特詔等泉滋陽境內凡十四泉並入濟河按兗州府屬有泉州縣凡十泉源凡

二百三十三俱為泉河通判所轄

額設泉夫歲加疏濬以資漕運

### 文獻泉

在曲阜

二里舊志即魯頌之泮

### 達泉

在曲阜縣東南三里水中石如伏龜怒鼉

水也西南流入沂河

名見

### 溫泉

在曲阜縣東南十里雖五寒時水常暖可浴西北流入西沂水舊志曲阜縣境

凡二十八泉入泗者七由

### 柳泉

在寧陽縣西十里俗名柳子溝舊南

西沂入泗者二十有一

流十五里入沭明嘉靖初沭水涸泉滲沙中不能

達漕乃於沭河西岸東西各立一閘以時啟閉東

會蛇眼等泉滙於灤河明季仍南流入沭

康熙三年復改東流經城東會諸泉以入灤河

### 魯姑泉

在寧陽縣西北二十五里西南流六十五里入灤濇泉又西會汶上縣龍鬬泉入汶

河 灤溝泉

在寧陽縣西北三十五里西南流經汶上縣東北五十里入蒲灣泊又西流會

龍鬬泉 蛇眼泉

在寧陽縣北門外泉穴如蛇眼故入汶河

名又縣北門外有日淵泉縣北一

里有古泉東北一里有三里溝泉縣東門外有井泉東十二里有張家泉東南八里有金馬莊泉俱

會蛇眼泉入於灤河舊志寧陽縣境

淵源泉

在鄒

泉凡十五入泗者四入洸者十有一

南七十里源出鐵腳山下水深十餘丈西北流四

里入白馬河舊志鄒縣境凡十五泉惟三角灣泉

自入泗餘皆由寺前泉

在泗水縣東五十里泉林寺南縣志陪尾山下有泗

白馬河入於泗

水神祠西即泉林寺水出山下四泉同發故曰泗

水寺之左右泉有十數互相灌輸合而成流按

山麓有趵突泉珍珠泉黑虎泉淘米泉所謂四泉

同發者也相去各二大許從石罅中湧出噴沸

騰晝夜不息合左右十餘泉并盜泉在泗水縣東北尸子孔子

過於盜泉渴矣而不飲惡其名也水經注盜泉出卞城東北卞山之陰論撰考識曰水名盜泉仲尼

不漱卽斯泉矣縣志縣境之泉凡八趙溝泉在滕縣西

南二十六里舊志有紋溝三山五花等泉俱注南沙河又黃溝泉在縣東南與溫水龍灣諸泉舊俱

經沛縣留城閘入漕河縣境許池泉在嶧縣西北凡三十四泉皆引流濟運

湧出五泉曰珍珠曰鍋泉曰篩泉曰金花曰灰泉惟灰泉稍濁餘皆清澈可鑒毫髮南流會滄浪石

室二泉卽許由泉在嶧縣西北四十里光武泉在嶧縣北五十里卽巨龍

為永水河上流相傳漢光武征董憲時曾駐於馬莊泉在此舊志縣境凡十有四泉皆引以濟運

上縣東南十八里泉源二十四合而為一西流十五里徑城南伏流至城北復出由魯溝入蜀山湖

**龍鬬泉**

在汶上縣東北五十里初出湧沸如雨虬相擊故名其東有薛家溝泉雞爪泉趙家

橋泉俱會寧陽境之魯姑泉潞瀋泉亘四十里而達蒲灣樂匯流入汶河

**聖水井**

在滋陽縣

東北二里石佛寺門東府志井底有碑上刻古篆歲旱致祭取碑出井即雨

**孔子故井**

在曲阜縣城中孔廟東詩禮堂後相傳即夫子所飲之井也明兗州知府童旭護以石欄本朝乾隆

十三年二十一年二十七年三十年三十六年四十一年四十五年四十九年

聖駕幸魯有

御製故井贊及

御製故井諸詩並

**伯禽井**

在曲阜縣東北三里周公廟東南水清冽而甘亦名甘井

勒石井側

顏子井

在曲阜縣東北  
周公廟西南

季桓子井

在曲阜縣東北  
三里周公廟北

園五丈三尺深八十尺以石甃之白袞魯記鹿門  
有兩井一為臧武仲井深六十尺一為季桓子井

深八十八尺國語季桓子穿井得

阿井

在陽穀縣  
北五十里

土缶其中有羊以問仲尼即此

東阿城鎮上有亭覆之水經注東阿城北門內西

側鼻上有大井其巨若輪深七丈歲常煮膠入貢

本草所謂阿膠也沈括夢溪筆談東阿濟水所經

取井水煮膠謂之阿膠用攪濁水則清服之下膈

疏痰止吐皆取濟水性趨下清而重故以治淤濁

及逆上之痰齊乘今水不盈數尺色正綠而重周

為垣掌

之於官



欽定大清一統志卷一百二十九

欽定四庫全書

史部

欽定大清一統志卷二百三十一

通政使司副使<sub>臣</sub>施朝幹覆勘

總校官檢討<sub>臣</sub>何思鈞

欽定四庫全書

欽定大清一統志卷一百三十

兗州府

古蹟瑕邱故城

在滋陽縣西二十五里左傳哀公七年季康子伐邾以邾子益來囚諸負

瑕杜預注負瑕魯邑萬平南平陽縣西北有瑕邱城是也漢置瑕邱縣元祐三年當封魯恭王子政

為侯國晉省入南平陽縣道元水經注瑕邱魯邑昔衛大夫公叔文子升於瑕邱曾子弔諸負夏鄭

元皇甫謐並言衛地魯衛雖殊土則一也李吉甫元和郡縣志宋元嘉三十年立兗州理瑕邱城而

瑕邱無縣隋文帝割鄒縣汶陽平原三縣界立瑕邱縣屬兗州縣志漢之瑕邱宋置於嵚陽明洪武

初隸濟寧府十八年廢而建今治  
**乘邱故城**  
在滋陽縣西北春秋

于乘邱注乘邱魯地漢置縣屬泰山郡武帝封中山靖王子夜為侯國後漢省水經注洸水流逕乘

邱縣故城東蕭德言括地志故城在瑕邱縣西北三十五里司馬光通鑑周安王二年魏韓趙伐楚

至桑邱胡三省注桑邱史記楚世家作乘邱即今兗州之瑕邱縣也按水經注引史記趙世家韓

將舉與齊魏戰于乘邱謂即乘邱縣考史記乘邱本作桑邱張守節正義引括地志辨桑邱在易州

不在泰山竊思魯地入楚三國伐楚而至桑邱其為乘邱無疑若趙齊魏之戰安得在此可以證水

經注改桑邱為乘邱之失又漢志注泰山郡乘邱下濟陰郡乘氏下俱引春秋公敗宋師于乘邱水

經注乘氏縣故城宋乘邱邑也似又以乘邱為宋地考左傳乘邱之役公子偃自雩門出則乘邱之

去魯城不遠以為宋地恐未必然至漢樊縣故城志注之兩引亦自相矛盾附辨于此

在滋陽縣西南漢置縣屬東平國後漢改屬任城國晉因之後廢括地志故城在瑕邱縣西南三十

里魯國故城今曲阜縣治周時魯國舊都左傳定公四年祝鮀曰因商奄之民命以伯

禽而封于少皞之墟史記武王封周公于曲阜正義曰兗州曲阜縣外城即魯公伯禽所築也元和

郡縣志兗州曲阜縣本漢魯縣其地即古炎帝之墟自後或為魯國或為魯郡而縣屬焉北齊文宣

帝省魯郡仍於魯城置任城郡開皇三年罷郡仍移汶陽縣理此屬兗州十六年改汶陽縣為曲阜

縣府志古魯城在今曲阜縣城外周迴延袤可十餘里縣志在縣城北三里今為古城村按元和郡

縣志闕里矍相圃俱云在曲阜縣西南三里魯城中始知縣志之古城乃唐時之曲阜非魯城也乾

欽定四庫全書

卷一百三十

聖駕南巡 隆二十七年

迴蹕駐曲阜  
御製古泮池證疑以今曲阜縣治為古之魯城足以正

府縣志之失而新城  
舊城瞭如指掌矣

曲阜故城

在今曲阜縣東十里縣志宋大中祥

符間遷縣治於魯城東明正德七年流賊陷曲阜  
乃徙還魯城故址築新城按故城乃齊隋時所

遷縣志誤

平原故城

今寧陽縣治本漢寧陽縣北境北  
齊改置平原縣於此隨開皇十六

年改名龔邱屬魯郡唐因之屬兗州元和郡縣志  
龔邱縣南至兗州五十里本漢寧陽縣之地屬泰

山郡後漢改屬東平國北齊文宣帝移置平原縣  
於漢寧陽城北十七里今縣理也隋以此縣與德

州平原縣同名以縣東南二十里有龔邱城遂改  
平原為龔邱屬兗州按隋書地理志元和郡縣

志皆云平原本北齊置當時必有所據曹學佺名勝志乃謂後魏移置新志又以沈約宋志陽平郡有平原縣大明中置後魏屬東陽平郡遂謂平原縣本宋時置考魏書地形志東陽平郡平原縣有鉅野澤鉅野去今寧陽尚遠非龔邱地也當以隋書地理志元和郡縣志為是寧陽故城在寧陽縣南漢武帝元朔三年封魯恭王子恬為寧陽侯國於此魏書地形志東陽平郡元城縣有寧陽城水經注洸水逕寧陽縣故城西元和剛縣故郡縣志漢寧陽城在龔邱縣南十七里剛縣故城在寧陽縣東北三十五里戰國時齊之剛邑秦昭王三十六年取齊剛壽漢置剛縣屬泰山郡後漢改屬濟北國晉曰剛平縣屬東平國宋省水經注汶水西南過剛縣北其地逼近汶水後譙剛為垠今有垠城壩又春秋哀公八年齊伐魯取剛注闡鄉在剛縣北漢書地理志剛縣故闡鄉水經

注京相璠曰剛縣西四十里有闔亭未知孰是

汶陽故城

在寧陽縣東北本春秋時魯地左傳

僖公元年公賜季友汶陽之田成公二年齊人歸我汶陽之田漢置汶陽縣屬魯國晉屬魯郡宋及後魏因之元和郡縣志故汶陽城在龔邱縣東北五十四里舊志漢章帝元和三年東巡泰山立行宮於汶陽世謂之

成縣故城

在寧陽縣北本周時邾國地武王封弟叔武於此春秋隱公五年衛

師入邾注邾國名也東平剛父縣西南有邾鄉後漢置成縣屬濟北國晉省水經注洸水逕成鄉城西京相璠曰罔縣西南有威鄉城者也竊按邾公羊作威史記作成後漢置縣因之古邾國與魯之成邑雖皆屬寧陽實為二地邾國在西近洸水魯成邑在東近淄水不相混也明統志邾國城在汶上縣北二十里

誤邾國故城

在鄒縣東南二十六里本邾婁國春秋隱公元年公及邾儀父盟於蔑註邾今



魯國鄒縣也左傳文公十三年邾文公卜遷於繹  
繹邾邑魯國鄒縣北有繹山漢置驕縣前漢書地理  
志魯國驕故邾國嶧山在北後漢書郡國志註劉會  
驕山記曰邾城在山南去山二里水經注嶧山邾文  
公之所遷今城在鄒山之陽依巖阻以墉固故邾婁  
之國曹姓也後乃縣之因鄒山之名以氏縣也杜佑  
通典故邾國城在鄒縣東南周圓四十里上冠峯巒  
下屬溪壑自南北朝以來遂遷今治元和郡縣志鄒  
縣本漢驕縣地故邾國魯之附庸魯繆公改邾為鄒  
因鄒山以為縣于欽齊乘鄒縣古邾國鄭樵通志云  
顯帝元孫陸終氏第五子晏安賜姓曹封於邾子孫  
以邾為姓周武王封晏安之裔邾挾為附庸自挾至  
儀父十二世始見春秋十四世邾文公遷於繹改稱  
鄒趙臺卿曰至孟子時改曰鄒此說非也竊按六  
書考故邾鄒同聲之轉也春秋時邾嘗用彘故邾謂  
之邾婁婁有二音合間音為婁合樓音為鄒此本邾

國耳後為楚宣王所滅又古邾城在鄒縣南邾文公  
遷於繹繹本鄒山故亦稱鄒城蓋其始封之邑也漢  
嘗以為南平陽鄒城在繹山南二里邾遷於繹依嶧  
山以為邑今山前古城猶存此亦漢縣也按古邾  
城在嶧山之南即邾文公之所遷漢晉以來為鄒縣  
諸說相同固無可疑獨今縣治在嶧山北二十里以  
元和郡縣志考之自唐書已然而諸書皆未言及徙  
置之故齊乘備載古蹟於鄒縣之外增一邾城云是  
其始封之邑在今縣南則是今縣既非始封之邑又  
非遷嶧之城縣志求之不得以宋元嘉間約畧言之  
亦無確據考後漢書注云南平陽縣故城今兗州鄒  
縣是也始知今縣治乃漢之南平陽縣無疑蓋省平  
陽入鄒縣又移鄒縣治平陽耳後魏時平陽鄒縣並  
置分屬高平魯郡北齊天保七年并省郡縣其改置  
鄒縣當在此時不  
**南平陽故城**  
今鄒縣治本春秋時  
在宋元嘉間也邾地後為魯平陽邑

左傳哀公二十七年越子使后庸來盟於平陽戰國  
時為齊南陽邑孟子謂魯慎子一戰勝齊遂有南陽  
魯仲連謂是攻南陽皆指此也漢置南平陽縣屬山  
陽郡後漢永平二年改屬東平州後仍還上陽晉屬  
高平國劉宋曰平陽屬高平郡後魏因之北齊時省  
水經泗水又過南平陽縣西注山陽郡之南平陽郡  
也竹書紀年曰梁惠成王二十九年齊田盼及宋人  
伐我東鄆圍平陽是也章懷太子曰南平陽故城今  
兗州鄆縣按齊乘有古邾城在鄆縣之南漢書以  
為南平陽晉廢入鄆縣今南平陽晉宋後魏俱屬高  
平並未嘗廢至隋書地理志始無此縣當在北齊時  
廢入且今鄆縣南距漢時縣治止二十餘里若南平  
陽又在今縣之南則兩縣相去不過數里似乎太近  
齊乘之言皆非也縣志謂南平陽城在縣西三十里  
今其地猶有平陽橋平陽寺平陽店然以今之俗名  
證漢時舊縣亦屬難信當從後漢書所注者為定

欽定四庫全書

卷一百三十

五

高平故城

在鄒縣西南十二里漢置橐縣屬山陽郡後漢更名高平侯國晉時屬高平國

劉宋時移高平郡來治後魏因之北齊郡縣俱廢水經注泗水逕高平縣故城西漢宣帝地節三年封丞相魏相為侯國高帝八年封將軍陳錯為橐侯地理志曰縣故山陽之橐也王莽改曰高平應劭曰章帝

改章懷太子曰故城在鄒縣西南

卞縣故城

在泗水縣東五十里春秋時為魯卞邑卞莊子

食采於此春秋僖公十有七年夫人姜氏會齊侯於卞國語楚申無宇曰魯有弁費注韋昭曰弁即卞也史記魯世家頃公亡遷於卞邑漢置卞縣晉因之後魏縣廢水經注泗水逕卞縣故城南春秋襄公二十九年季武子取卞曰聞守者將叛臣率徒以討之是也府志城東有卞橋泗水逕也

郛鄉故城

在泗水縣東南春秋時魯邑左傳文公七年城郛注卞城南有郛城漢置郛鄉縣屬東海郡邑後漢省

蕃縣故城

今滕縣治漢置蕃縣前漢書注應劭曰邾國也音皮師古曰白哀云陳蕃之子為魯

相國人為諱改曰皮此說非也郡縣之民土俗各有別稱不必皆依本字水經注南梁水逕魯國蕃縣故城東隋書地理志彭城郡宋舊置蕃郡後齊廢開皇十六年改曰滕縣元和志滕縣本古滕國漢蕃縣也後魏置蕃郡以縣屬焉北齊郡縣並廢滕國故城在隋于此置滕縣屬徐州南至州二百里滕縣西南十四里周文王子叔繡所封秦為滕縣漢置公邱縣屬沛郡後漢屬沛國晉咸寧三年改屬魯郡後漢水經注南梁水逕蕃縣北西逕滕城北春秋左傳隱公十一年滕侯薛侯來朝漢高帝封夏侯嬰為侯國號曰滕公鄧晨曰今沛郡公邱也縣故城在滕西北前漢書沛郡公邱侯國故滕國周懿王子錯叔繡所封國後為秦滅之漢武帝元朔三年封魯共王子順為侯國元和郡縣志古滕國在滕縣西南十四

里滕城是也公邱故城在縣西南十五里夏侯嬰初  
為滕今號滕公此時高祖未立屬縣故滕為秦縣至  
成帝改為公邱縣屬沛國又縣志故城俗呼文公里  
城周二十里內有子城按左傳部雍曹滕文之昭  
也則叔繡之為文王子明甚漢志薛縣故城在滕縣  
誤以為懿王子顏師古已辨之矣薛縣故城在滕縣  
十五里薛河之北古奚仲所封之國左傳定公二年  
薛宰曰薛之皇祖奚仲居薛為夏車正遷於邳仲虺  
居薛為湯左相戰國時齊封田嬰於此秦置薛縣漢  
屬魯國後齊廢史記孟嘗君傳齊威王三年封田嬰  
於薛子文代立是為孟嘗君後漢書郡國志薛城在  
春秋之季曰徐州哀公十有四年齊陳恒執其君置  
於舒州史記作徐州水經注竹書紀年梁惠成王二  
十一年邳遷於薛改名為徐州括地志薛縣故城在  
滕縣東南四十四里元和郡縣志故薛城在滕縣東  
南四十三里薛侯國也當孟嘗君時薛中六萬家其

中富厚天下無比此田文以抗禦楚魏也按薛城春秋以後別名舒州史記皆作徐州劉熙釋名徐舒

也古字相通同非禹貢之徐州亦非漢晉以來之彭城也近志以為即今徐州因引入彭城所傳誤矣

### 戚縣故城

在滕縣南七十里乃秦縣也漢屬東海郡後漢及晉因之後廢漢書高帝紀秦二年

十一月沛公引兵之薛秦泗州守敗於薛遂遁走之戚曹參傳遷為戚公屬碭郡注顏師古曰為戚縣之

令府志載戚城周圍四里今泲河通判駐此

### 昌慮故城

在滕縣東南六十里春秋邾濫邑也

左傳昭公二十一年邾黑肱以濫來奔注濫東海昌慮縣漢宣帝甘露元年封梁孝王子宏為侯國後漢

建安三年析置昌慮郡尋復故晉元康中以縣屬蘭陵郡宋為郡治後魏仍屬蘭陵郡後廢太平寰宇記

濫城在滕縣東南五十九里府志故昌慮城周十里有子城按昌慮縣建安中魏武曾分為郡晉以後

復為縣乃太平寰宇記謂建安中置郡至隋始省齊  
乘明統志俱謂建安中始置縣與諸史皆不相合齊  
乘又謂此即戚城以漢戚胸縣為合鄉故城在滕縣  
之証併二縣名為一要皆誤也

縣屬東海郡後漢志作合城晉仍日合鄉宋屬蘭陵  
郡後魏因之北齊廢水經注漵水出東海合鄉縣漢  
和帝永寧元年封馬光子復為侯國元和郡縣志合  
鄉故城在滕縣東二十三里即論語所謂互鄉是也

### 桃山故城

在滕縣東漢置縣為侯國屬泰山郡後漢  
省今縣東南有桃山漢縣當以此名晉太

和六年符堅將俱難攻蘭陵太守張閔子於桃山即此永縣故城在嶧縣西北  
一里漢置縣

以承水所經而名屬東海郡後漢及晉初因之元康  
後屬蘭陵郡宋因之後魏武定五年移郡治此隋改  
為蘭陵縣屬彭城郡唐復故元和郡縣志永縣東北  
至沂州一百八十五里元和十四年楚州刺史李愬



討李師道拔永城太平寰宇記漢故城在今縣西一里唐武德四年移今治金貞祐四年徙治土樓村元

省入潁州府志故永縣城在嶧縣城西北漢永縣故城也永水之西又有舊土城相傳為隋增州城亦稱

永縣蘭陵故城在嶧縣東五十里史記荀卿適楚春申君以為蘭陵令漢置縣屬東海郡後漢

及晉初因之元康元年分置蘭陵郡劉宋移郡治昌慮以蘭陵省入永縣後魏復置屬蘭陵郡北齊廢隋

開皇十六年復置大業初又廢改永縣為蘭陵唐武德四年仍改蘭陵為永縣別置蘭陵縣貞觀初復省

入永縣屬沂州元和郡縣志蘭陵縣城在永縣東十六里齊乘在州東南六十里

郛縣故城

在嶧縣東八十里春秋時小國僖公十四年郛子來朝襄公十六年莒人滅郛後亦曰郛史記夫差七年

敗齊師於艾陵遂至郛又貨殖傳胸繒以北地理志漢置繒縣屬東海郡後漢改屬瑯琊國後漢書劉永

欽定四庫全書

卷一百三十

傳董憲及龐萌走入繒山是也晉因之後廢入即邱  
魏書地形志即邱縣有繒城隋復分永縣置繒城縣  
大業初并入永縣唐復置鄆城縣為鄆州治貞觀初  
州縣俱廢太平寰宇記故鄆城在水縣東八十里齊  
乘故繒城在繒州東八十里漢晉並為鄆縣其後省  
入蘭陵隋初鄆州理永縣大業二年始移蘭陵郡理  
此後為山賊左君衡所據至唐武德初平賊復置鄆  
州理此城按地形志繒城晉宋時省入即邱齊乘  
本太平寰宇記謂省入蘭陵與魏志亦不合又按隋  
開皇十六年分永縣地置鄆州鄆城縣及蘭陵縣此  
城當時為鄆州鄆城所理其蘭陵所理即漢晉舊縣  
也未嘗移理此城亦未嘗為郡齊乘謂蘭陵移郡理  
此亦誤唐武德四年以永縣治鄆州別

偃陽故城

在

鄆南五十里古偃陽國左傳所謂偃陽圻姓者也襄  
公十年晉侯會諸侯及吳子壽夢于柵遂伐偃陽穀

梁作傳陽漢置傳陽縣屬楚國後漢屬彭城國晉因  
之後廢魏書地形志彭城郡有偃陽城水經注祖

水流逕偃陽陰平故城在嶧縣西南三十里漢陽朔  
二年封楚孝王子回為陰平

縣故城東北侯國屬東海郡後漢因之晉省章懷太  
子注陰平故城在今沂州丞縣西南建陽故城在

縣西漢縣屬東海郡宣帝甘露四年封魯孝王子咸  
為侯國後漢省後漢書劉永傳董憲屯建陽去昌慮

三十里注建陽故城中都故城在汶上縣西春秋時  
在今沂州丞縣北魯邑夫子為中都宰

即此後漢書郡國志須昌有致密城古中都水經注  
巨野溝西南逕致密城南郡國志曰古中都也即夫

子所宰之邑元和郡縣志中都故城在今中都縣西  
三十五里一名殷密城至漢以其地為東平陸縣

按後漢志水經注皆作致密而元和郡縣志  
太平寰宇記皆作殷密蓋為傳寫之訛平陸故城

在汶上縣北本古厥國戰國時為齊平陸邑孟子之  
平陸即此史記齊世家康公十一年魯敗齊師於平  
陸漢置東平陸縣劉宋去東字曰平陸元嘉中移樂  
平縣寄治於此隋復改樂平為平陸唐改名中都屬  
鄆州元和郡縣志鄆州中都縣西北至州一百  
里太平寰宇記中都縣在鄆州東六十五里

桃鄉

故城

在汶上縣東北春秋魯邑春秋襄公十七年齊  
侯伐我北鄙圍桃漢鴻嘉二年封東平思王子

宣為桃鄉侯國於此屬泰山郡後漢省水經注汶水  
又西南逕桃鄉縣故城西王莽之鄭亭也世以為鄭  
城者

陽穀故城

在陽穀縣東北三十里本春秋齊邑  
左傳僖公三年齊侯宋公江人黃人

會於陽穀杜預注在須昌縣北又齊語桓公大朝諸  
侯於陽穀隋因置陽穀縣元和郡縣志縣東南至鄆  
州七十五里太平寰宇記開寶六年河水衝破縣城  
至太平興國四年移於上巡鎮宋志景德三年又徙

治在孟店即今治名又陽穀亭在東阿縣東南四十里又有會盟臺在縣南五里亦名為陽穀亭

### 永興廢縣

在滕縣東南後魏黃興初置永興永福二縣屬建昌郡太和十五年罷郡屬彭

城武定五年改屬蕃郡北齊省縣志有臨城在縣東南七十里周四里城西有永興村疑即故縣也又有故縣城在縣東南一百二十里茱萸山北今猶名故縣集疑即故永福也任城廢

### 縣

在濟寧州治本任國太昊後風姓戰國時東阿齊附庸東漢為任城國晉為縣屬高平郡

### 廢縣

在陽穀縣東北五十里春秋莊公十三年公會齊侯盟於柯杜注今濟北東阿為齊之柯邑

猶祝柯今為祝阿也史記齊桓公與魯會柯而盟後為阿邑司馬穰苴傳齊景公時晉伐阿鄆趙成侯九年與齊戰阿下又齊威王烹阿大夫秦時謂之東阿漢置東阿縣後漢以下因之自宋開寶八

年遷縣治於東阿縣之南穀鎮而閭邱邑在鄒縣境水經

故城遂墟今屬縣界謂之阿城注洙水又西南逕南平陽縣之顯閭亭西邾邑也春秋襄公二十一年經書邾庶其以漆閭邱來奔

杜預曰平陽北有顯閭亭十三州記曰山陽南平陽縣又有閭邱鄉從征記曰杜謂顯閭亭也今按漆鄉在縣東北漆鄉

東北十里見有閭邱鄉顯閭非也虛打邑今泗水縣治春秋成公十然則顯閭自是別亭未知孰是有八年仲孫蔑會晉侯宋公

衛侯邾子齊崔杼同盟于虛打元和郡縣志泗水縣西南至兗州一百里本春秋之虛打地漢為卞縣之地隋分汶陽

縣於此城置泗水縣屬兗州常邑在滕縣東南詩魯頌居常與許鄭氏曰常或作嘗在薛之

南孟嘗君食邑於薛府志今薛城南十里有孟嘗集或以為即古常邑史記越世家願齊之試兵南

陽莒地以聚常邾之境索隱薛陵邑在陽穀縣東北戰國時齊

曰常邑名即田文之所封

邑史記齊世家威王七年衛伐我取薛陵又威王語阿大夫衛取薛陵子不知蓋其地與阿近也

**檀城**

在府城北亦曰檀鄉後漢書任光傳刁子都餘黨會於檀鄉注今兗州瑕邱縣東北有檀

鄉府志地志瑕邱檀城古灌檀也周鄆城在曲阜時侯國炎帝之後路史兗州有檀鄉

魯邑左傳襄公十年晉請伐偃陽偃陽人啟門諸侯之士門焉縣門發耶人紇挾之以出門者注耶

邑魯縣東南莖城是也史記孔子世家孔子生魯昌平鄉陬邑注孔安國曰孔子父叔梁紇所治邑

縣志縣東十里有西鄆集按鄆左傳作邾史記作邾字義皆同與邾婁之改名鄆者有別水經注謂邾國叔梁

之邑孔子生昌平城在曲阜縣東南八十里左於此者誤也

宋朝舍於昌衍之上注魯縣東南有昌平城即昌衍也府志明嘗於此置昌平驛

**成城**在寧

陽縣東北九十里春秋魯邑春秋桓公六年公會紀侯於郕復為孟氏邑左傳昭公七年晉人來治杞田季孫以郕與之而遷孟氏之邑於桃後復歸魯定公十二年子由為季氏宰將墮成公圍成弗克禮記檀弓子羔為成宰史記齊宣公四十八年田和取魯之成邑縣志舊曰故城社今并太平為一社曰春城在寧陽縣西北三十里汶水之陰即太古社

郡漆城

在鄒縣東北左傳襄公二十一年邾庶其以漆閭邨來奔注南平陽縣東北有漆鄉

水經注泗水自南平陽縣又南逕故城西世謂之漆鄉十三洲記曰漆鄉邾邑也今見有故城西南

方二里

姑蔑城

在泗水縣東春秋隱公元年公及邾儀父盟於蔑注蔑姑蔑魯地魯國下

南縣有姑蔑城括地志姑蔑故城在泗水縣東四十五里

莒裘城

在泗水縣北左傳隱公十



一年公曰使營菟裘吾將老焉杜預注菟裘魯邑在梁父縣南元和郡縣志菟裘故城在泗水縣東

北五鄉城注在滕縣東春秋莊公五年鄉黎子來朝

十里鄉城注附庸國也東海昌慮縣東北有鄉城

孔穎達疏鄉之上世出於邾國譜云小邾邾挾之後也夷父顏有功於周其子友別封為附庸居於

邾曾孫黎來始見春秋數從齊桓尊周室王命為小邾子太平寰宇記邾城在承縣馬端臨文獻通

考邾城今沂州嶧即古承地屬沂州齊乘邾城在鄆城南土人云小灰城即小邾之訛也邾即小邾

應劭云在縣東一里梁水之東周八里按邾即小邾應劭及晉志皆云蕃縣故小邾國蕃即今滕縣而

昌慮亦云縣境當以在滕者為近且太平寰宇記齊乘既以鄉城在承縣嶧州而於滕縣下仍云古

小邾國亦自上邳城在滕縣南即古邳邑左傳定相矛盾矣公元年薛宰曰奚仲遷於邳

仲虺以為湯左相漢書地理志東海郡下邳注臣  
贊曰有上邳故曰下邳也又王子侯表上邳侯鄧  
容楚元王子高后二年封應劭曰邳在薛晉書地  
道記曰仲虺城在薛城西三十里即上邳也齊乘  
仲虺城俗曰斗城薛志有驪城在縣西南五十里  
周五里東去薛城三十里蓋即其遺址虺驪聲近  
而訛也俗傳齊大休城在滕縣西二十五里通志  
夫王驪食邑非休城孟子去齊居休漢楚元王  
子當封為靈邱城在滕縣東四十里明水之南通  
休侯即此靈邱城周八里有子城相傳戰國時  
齊南境邑孟子謂蚘蚩堙城在滕縣東薛河之南  
辭靈邱而請士師指此堙城或謂之五固府志城  
半為河水所圯近於河岸塌出一碑八分書  
所引用皆漢以前事文字古質殆漢時物也梁城  
在滕縣東鄆河南有臺焉舊城基也二疏城在嶧  
建置無考其曰梁者或因梁水為名

四十里漢疏廣疏受所居也齊乘二疏宅在嶧州東四十里羅滕城墓亦在焉府志城周五六里土人指以為宅乾隆二十七年三十年聖駕南巡經此俱有

御製二疏鍾離城在嶧縣西南三十五里羅泌路史沂城詩鍾離城在縣西北三十里其

北為夾谷山相傳為齊侯城關城在汶上縣西南南旺湖中春秋桓公十有一年公會宋公

於闕注闕魯地在東平須昌縣東南戰國策無忌謂魏王曰秦長驅梁北東至陶魏之交北至乎闕

史記魏世家北至平監注徐廣曰史記齊闕止作監字後漢書郡國志東平陸有闕亭注須昌有闕

城博物記曰伏城在陽穀縣東元和郡縣志陽穀即此亭是也縣有伏城在縣東南二里蓋伏

生所居范城在壽張縣東二十里太平寰宇記壽因名張縣有范城即春秋范武子邑舊志

在縣東 **庚宗亭**

在泗水縣東接費縣界左傳昭公四年穆子去叔孫氏及庚宗遂次

於泗上杜注庚宗魯地李康論叔孫臧

豎牛也禍成庚宗按今泗水縣有庚宗亭 **莒亭** 在繹縣東

故繒城北春秋莊公九年春公及齊大夫盟於莒注莒魯地鄉鄉繒縣北有莒亭按公羊傳作豎

後漢志作概蓋有訛也

**次室亭**

在嶧縣東南故蘭陵地後漢書郡國志蘭陵有次室亭注

地道記曰故魯次室邑列女傳有漆室之女或作次室

**窮桑**

在曲阜縣北帝王世紀曰少昊

自窮桑登帝位窮桑在魯北後徙曲阜

**奄里**

在曲阜縣城東古奄國書序成王東伐淮夷遂

踐奄遷其君於蒲姑左傳昭公九年詹桓伯曰蒲姑商奄吾東土也許慎說文鄆國在魯後漢書郡

國志魯有古奄國注皇覽曰奄里伯公冢在城內祥舍中民傳言魯五德奄里伯公葬其宅

**闕**

里

在曲阜縣城中家語孔子始教學於闕里漢書梅福傳仲尼之廟不出闕里注師古曰闕里孔

子舊里也後漢書明帝紀永平十五年三月幸孔子宅注在今兗州曲阜縣故魯城中歸德門內闕

曲之中背洙面泗翼相圍之東北也又鮑永傳孔子闕里無故荆棘自除從講堂至於禮門水經注

闕里背洙面泗牆南北一百二十步東西六十步四門各有石閭北門去洙水百餘步本朝康熙

聖

祖

仁 二十三年

皇帝南巡經過闕里有

御

製

過闕里詩乾隆十三年二十二年三十六年四十一

年四十九年

皇上東巡俱有

御製恭和

聖

祖

過闕里詩按魯有兩觀闕名也禮記仲尼與於蜡

實事畢出遊於觀之上蓋闕門之下其里即名闕

里而孔子之  
宅適在是耳  
**周社亳社**  
俱在曲阜縣城內春秋哀

二年成季之將生也桓公使卜之曰間於兩社為  
公室輔注兩社周社亳社兩社之間朝廷執政所

在定公六年陽虎盟公及三桓於周社盟國人於  
亳社哀公七年以邾子益來獻於亳社穀梁傳亳

社者亳  
之社也  
**大庭氏庫**  
在曲阜縣治東左傳昭公五年

庭之庫十八年宋衛鄭陳皆火梓慎登大庭氏之  
庫以望之注魯城內有大庭之墟於其上作庫孔

穎達疏炎帝號神農一曰大庭氏水經注魯縣有  
大庭氏之庫春秋豎牛之所攻也故劉公幹魯都

賦曰戰武韞於有炎之庫  
本朝乾隆二十一年

聖駕幸魯俱有  
御製大庭氏庫用唐李白韻詩  
**兩觀**  
在曲阜縣東南春  
秋定公二年雉門

及兩觀注兩觀闕也家語孔子誅少正卯于兩觀之下元和郡縣志兩觀在曲阜縣東南五十步

闕里志兩觀在古魯城堆門之外周圍各四十步高二丈東西相去一百步

**杏壇**

在曲阜縣

聖廟殿前即先聖教授堂之遺址莊子孔子遊於淄惟之林休坐乎杏壇之上司馬彪註杏壇澤中高處也漢明帝幸宅嘗御此後世因以為殿宋天聖間孔道輔監修祖廟增廣殿庭移大殿於後講堂舊址不欲折毀因焚為壇環植以杏金學士党懷英篆杏壇二字碑於亭內本朝乾隆十三

年

聖駕幸魯有

御製杏壇贊并詩二十一年有

**雩壇**

在曲阜縣南水經注雩門南隔水有

御製杏壇詩

雩壇壇高三丈曾點所欲風舞處也太平寰宇記雩壇在曲阜縣南六里沂水之南即樊遲從遊處

也  
**魯辟**

在曲阜縣 聖廟東詩禮堂後即孔子故宅後世以為廟宋時即故址建金絲堂明

宏治間改建新廟遂移金絲堂於廟西漢書景十三王傳魯恭王初好治宮室壞孔子舊宅以廣其宮聞鐘磬琴瑟之聲遂不敢復壞於其壁中得古文經傳李東陽金絲堂銘序金絲堂舊在孔廟左廡之東東直井前直詩禮堂嘗掘地得石刻知為孔子故宅蓋世所傳魯恭王聞金石絲竹之聲者也故歷代之樂器藏於其間 本朝雍正間廟毀而堂猶存新廟之間堂地皆入左廡金絲則移而西與詩禮堂正相直乾隆十三年

聖駕幸魯有

御製金絲堂贊二十一年有

**泮宮**

在曲阜縣城中東南隅詩魯頌既作泮宮

淮夷攸服水經注靈光殿東南即泮宮也在高門直北道西宮中有臺高八十尺臺南水東西一百



步南北六十步臺周圍南北四百步東西六十步  
臺池咸結石為之詩所謂思樂泮水也乾隆十三

年

聖駕幸魯於泮池舊基建有行宮恭邀

清蹕二十一年二十三年二十七年三十六年四十一  
年四十九年俱有

御製古泮池詩與

御製古泮池正疑並勒石按泮宮臺亦謂之書雲臺

左傳僖公五年日南至  
公登臺以望雲物即此靈光殿漢景帝子共王所

立王延壽魯靈光賦序初恭王始都下國好治宮  
室遂因魯僖基兆而營焉遭漢中微自西京未央

建章之殿並皆毀壞而靈光巍然獨存水經注孔  
廟東南五百步有雙石闕即靈光之南闕北百餘

步即靈光殿基東西二十四丈南北十二丈高丈  
餘東西廊廡別舍中間方七百餘步闕之東北有

欽定四庫全書

卷一百三十

浴池方四十許步池中釣臺方十步池臺悉石也  
遺址尚整故王延壽賦曰周行數里仰不見日者

也  
**周公臺**

在曲阜縣北水經注季武子臺西北二  
里有周公臺高五丈周五十步臺南四

里許即夫子故宅也府志今文憲王廟在城北高  
阜上世所稱西北魯太廟舊址者亦即其地也

**郊臺**

在曲阜縣西南水經注沂水又西逕園邱北  
高四丈餘明統志郊臺在曲阜縣西南十里

東西五十八步南北四十  
步即魯君郊祀之所也

**魯莊公臺**

在曲阜縣東  
左傳莊公三

十二年築臺臨党氏太平寰宇記莊公臺在曲阜  
縣西北二里魏書地形志魯縣有昭公臺府志在

城西北與莊  
公臺相對

**春秋臺**

在曲阜縣南十里孔子作  
春秋處也見任昉述異記

**雞臺**

在曲阜東南十里左傳昭公二十五年季  
卯之雞闕括地志闕雞臺二所相去五十步

在曲阜縣東南三里魯城中

### 季武子臺

在曲阜縣東北左傳定公十二年公山不狃叔

孫輒率費人以襲魯公與三子入於季氏之宮登武子之臺水經注曲阜上有季氏宅宅有武子臺

今雖毀猶高數尺

### 逍遙臺

在滕縣故薛城南十里左傳莊公三十一年築臺於薛舊志孟

嘗君歸薛乃更築臺名曰逍遙唐張九齡有薛公逍遙臺詩

### 清涼臺

在滕縣東南縣志相

傳漢武帝巡幸置宮于此又復築臺于其旁名之曰清涼云

### 駐蹕亭

在曲阜縣宋真宗幸

魯駐蹕於此

### 顏樂亭

在曲阜縣城內顏子廟前舊有廢井宋膠西太守孔宗瀚濬井作亭

於上名曰顏樂有司馬光銘蘇軾記程顥詩

### 詠歸亭

在曲阜縣城南即魯點詠歸處浮

### 香亭

在曲阜縣雩水北元楊奐東遊記北涉雩水由竹徑登浮香亭殊有幽勝曲池亭

在寧陽縣東北春秋桓公十二年公會杞侯問津  
莒子盟於曲池注魯國汶陽縣北有曲池亭問津

亭

在魚臺縣西北三十里今  
名架湖里即子路問津處桃墟亦魯邑水經注

泗水出卞縣故城東南桃墟西北春秋莊公七年  
謝息因季孫之言以孟氏成邑與晉而遷於桃杜

預注魯國卞縣東南有桃墟世謂之曰陶墟舜所  
陶處也井曰舜井皆為此也按水經注桃墟西

北即今泗水縣泉林也見  
御製泉林詩注

鄭均莊

在濟寧州南一  
里今呼東鄭莊

詩禮堂

在曲阜縣聖廟永聖門內本孔子舊宅  
宋真宗嘗御此本朝康熙二十三年

御聖

祖南巡迴蹕至曲阜釋奠禮畢  
詩禮堂命聖裔舉人孔尚鉉監生孔尚任講書乾隆十

三年

聖駕幸魯釋奠禮畢于詩禮堂

御經筵有

御製詩禮堂進講詩并詩禮堂贊俱勒石又

御書額曰則古稱先二十二年三十年三十六年四十

一年四十九年

駕幸曲阜俱有

御製詩禮堂詩又詩禮堂之東廡為禮器庫乾隆十三

年

御製禮器贊勒石庫中

斷機堂

在鄒縣南門外曝書臺側即孟子故居也元元

頁初

鄒堂

在鄒縣治內宋黃庭堅嘗作鄒操元

思

建

聖堂

在汶上縣城內宋黃奭東遊記汶上古之中

都也先聖之舊治魯定公九年宰於此縣

署之思聖堂是也有

嶽雲樓

在府治東南本古兗州城樓唐杜甫登

杜子美望嶽詩刻石

此賦詩云浮雲連海岱故稱嶽雲

奎文閣

在曲阜縣聖

廟同文門北金明昌五年章宗所命名闕凡七楹  
本朝康熙間恭藏

聖祖仁皇帝賜書  
墨寶於上又聖蹟殿在聖廟寢殿後明萬厯間建藏聖

蹟圖諸石刻 本朝乾隆十三年

聖駕幸魯有

御製奎文

嬰相圃

在曲阜縣城內闕里西即今曲阜縣  
學之地禮記孔子射於嬰相之圃後

漢書郡國志注嬰相圃在城中西南近孔子

蒲圃

廟元和郡縣志在曲阜縣西三里魯城中

在曲阜左傳襄公四年季孫為

五父衢

在曲阜縣東南禮記

已樹六檟於蒲圃東門之外

孔子少孤不知其墓殯於五父之衢左傳襄公十

十年季武子將作三軍詛諸五父之衢杜預注五

父衢魯縣東南道名也後漢書郡國志魯有五父

衢注地道記曰在城東括地志五父衢在曲阜縣

東南達巷在滋陽縣西北五里縣志陋巷在曲阜縣關里

二里今顏子廟在馬家宇記陋巷在曲阜縣西南

聖駕幸魯有十三年

御製陋巷子貢廬墓處在曲阜縣孔林石牆西南一室

聖駕幸魯有乾隆二十一年

御製子貢廬萬仞宮牆在曲阜縣南門即今仰聖門也

聖駕幸魯乾隆十三年

御書萬仞宮牆贊故宅門在曲阜縣聖廟中今毓粹

聖駕幸魯有

御製故宅門贊

孔廟古檜

在曲阜縣孔廟前大成門左闕里志夫子手植檜三株兩

株在贊德殿前高六丈餘圍一丈四尺其文左者左紐右者右紐一株在右壇東南隅高五丈餘圍一丈三尺其枝盤屈如龍形世謂之再生檜晉永嘉三年枯隋義寧元年復生唐乾封二年復枯宋康定元年復生金貞祐甲戌寇犯闕里焚及三檜無復孑遺元至元甲午春東廡頽址隙間茁焉其芽時張頤為三字學教諭取而植之故所漸矯如龍形高一丈圍四尺迨宏治己未聖廟災復燬至今百餘年間雖無枝葉而直幹堅挺深根盤固皮生苔蘚生意隱然不見朽腐 本朝康熙二十

三年十一月十八日

聖祖躬

祀闕里畢至樹前撫觀良久稱其神異有

御製闕

里古檜詩賦雍正十年廟工告竣復生新條今高一丈許矣乾隆十三年二十一年三十六年



聖駕幸魯俱有御製手植檜詩

**孔林古楷**

在曲阜縣北孔林中享殿後即子貢手植者高四丈圍一

丈枯而不朽許慎說文楷木孔子冢樹淮南子楷木生孔子冢上具榦疎而不屈今林中楷木最多

惟此獨以子貢著名旁有楷亭西向本朝乾隆十三年

聖駕幸魯有御製子貢手植楷詩

**顏墓石楠**

在曲阜縣顏子墓前凡二株可三四十圍傳是

顏子手植見述異記

**關隘陶陽鎮**

在滕縣東南六十里陶山下金史地理志沛縣有陶陽鎮鄒塢鎮在

縣西北四十里明初設巡司嘉靖四十二年移置於縣西六十里拖犂溝今裁

**柴城鎮**

在汶

上縣境金史地理志汶上縣有柴城鎮今廢

**安樂鎮**

在陽穀縣東北三十里金史地理志

陽穀有樂安定水二鎮舊竹口鎮在壽張縣西二十里九域志壽

張縣有竹口鎮金界河營在鄒縣東南五十里為時常移縣治此

設守備駐此雍正二年改隸沙溝營在滕縣南九

充州鎮標右營移駐府城內沙溝營在明宏治

二年設通運所嘉靖間設巡檢司萬臺莊營在嶧

歷三年設沙溝營本朝設都司駐此

南六十里臺莊開旁明萬曆三十四年設巡檢司

并設兵守禦後裁本朝順治中築城設遊擊駐

此雍正二年改遊擊為兗州鎮標中袁家口在汶

營而移兗州參將駐此以衛漕渠

西四十里袁家口開旁昌平驛在滋陽縣北初置

本朝設守備駐此

後改置於此新嘉驛在滋陽縣西北四十五里

有驛丞今裁

青

川驛

在寧陽縣北三十里埧城壩橋在縣西八里青川村明成化二年移置於此有驛丞今裁

邾城驛

在鄒縣城東門外有驛丞今裁界河驛在鄒縣東南五十里外有驛丞今裁

滕陽驛

在鄒縣城東門外有驛丞今裁臨城驛在滕縣東南七十里外有驛丞今裁

有驛丞今裁乾隆十年兗州府總捕同知移駐此

萬家莊水驛

在嶧縣西汶水

驛

在汶上縣西門內明開河水驛在汶上縣西南二十里有驛丞

今裁荆門水驛

在陽穀縣東五十里外有驛丞今裁東灘店在鄒縣北二十里為

南北大道十年撥沂州鎮兵駐防

社安集

在滕縣南三社本朝乾隆二十一

年移縣丞駐此梁山集

在壽張縣南梁山之西又西有虎頭崖集梁山巡司駐此

津梁九僊橋

之滋陽縣東門外黑風

泗水橋

在滋陽縣東南五里

橋正當泗水急流處為南北通途明萬曆三十七年魯憲王所建中通十五洞本朝乾隆二十一

聖駕幸魯經此有

御製

度泗水橋詩

平政橋

在滋陽縣西閔濟河與城中水會流於此橋跨其上北臨昌平驛其

西為飛龍橋

高吳橋

在滋陽縣西北三十里跨洸水宋元符初建

沂水橋

在曲

阜縣東南十里跨沂水

瞻嶽橋

在曲阜縣西二十五里

文津橋

在曲阜縣北門

外城門與孔林門相對松栢夾道直如絃建橋其中

青川橋

在寧陽縣西八里跨洸水

平

陽橋

在鄒縣城東門外又因利橋在縣南門外永利橋在縣北門外三橋皆跨洸水馬

界

河界

在鄒縣南五十里

平陽橋

在鄒縣西三十里跨白馬河

永濟橋

在鄒

縣西七十里跨白馬河

卞橋

在泗水縣東五十里跨泗水

濟

雲橋

在滕縣東南一里跨南梁河俗名斗子橋長五十丈闊二丈五尺

官橋

在滕縣南

四十里跨薛河隋開皇八年建

小白橋

在嶧縣南五十里跨金注河

龍潭橋

在嶧

縣東二十里跨西泗河

蕭橋

在嶧縣南五里跨金注河

孺子橋

在嶧縣城西門外滄

浪水上長三十五丈闊三丈為洞十五以孟子所稱孺子歌滄浪得名

望嶽橋

在汶上縣

城外門外

洸河橋

在汶上縣東四十里跨洸水

蘇魯橋

在汶上縣西南跨馬踏湖口

草橋

在汶上縣西北

博濟橋

在陽穀縣

東門外為壽張城  
孔家橋在陽穀縣西朔故自此  
東昌南北孔道而西則曹州府朝城縣

孔道也  
范城橋在壽張縣東南二十五里

隄堰臨湖隄

在滕縣南運河西岸東自嶧縣界韓莊開而西入縣境歷江南徐州沛縣接魚

臺縣界長二十里以隔湖水  
金口堰在滋陽縣東五里元至正中為滾水石壩引泗入運

即隋薛胥于泗所之交積石為堰決水令西注陂澤以溉良田者延祐中疏為三洞以洩水勢成化

間築石堰東西長五十丈甃石三處眎水消長時其啓閉橫巨石為橋以便往來歲久土淤舊堰獨

低水消泗不入汎每春築土壩以障之嘉靖三十七年易以石仍為金口三添開版以時啓閉歲省

前費水亦賴以節宣也  
堽城堰在寧陽縣東北三十四里元至元中置堰中為斗門以導

汝水入沅明永樂中改為壩成化十一年以舊壩水濶河深於其西南八里為堰城新堰置閘啓閉

後廢縣志舊石閘在堰城西北隅新石閘在縣西北三十里其上流又有堰城石堰開引汝水入沅

皆成化中員外郎張盛所建東邵壩在縣縣南東邵村明隆慶元年建以遏薛水由呂孟

湖出地洪溝濟運又王家口牙里宋家口黃甫等壩俱明隆慶元年尚書朱衡建金口閘

在滋陽金口五里金口堰之北元至元中建以導泗水西流至濟寧入運又土妻閘在縣西十里杏

林閘在縣西三十里皆元至元中建明永樂九年重修土妻閘置閘官一員總於金口閘嘉靖初裁

二閘皆與濟寧州接界沅河東西二閘在寧陽縣西四里許沅河兩崖之間東西

相通通志明嘉靖六年工部主事吳鵬因沅水久洶柳泉南入於沅悉滲入沙不能達漕乃於城西

導柳泉橫過沅河東西各立一閘大雨時行沅水泛漲則閉閘以防其決秋冬之交河水淺澁則啓閘以達其流東會蛇眼

修永閘

在縣西南七十五里又縣南七十五

張家等泉以達運道

里有三洞閘几十里有減水上閘八十里有減水下閘皆在徽呂二湖間蓄洩湖水以濟運

韓

莊閘

在嶧縣西南運河上自江南徐州沛縣界韓莊閘又十里為新閘又四里為居梁橋閘二

十里為德勝閘又二十里為張莊閘又八里為萬年閘又十里為丁廟閘又六里為頓莊閘又二十里為侯遷閘又八里為臺莊閘向俱設有閘官今惟萬年頓莊臺莊有之此縣境之八閘也為衛漕之要地又有雙閘在韓莊閘東新開伊家河西北乾隆三十年

聖駕南巡迴蹕過韓莊閘有御製韓莊閘詩

寺前鋪閘

在汶上縣西南三十九里運河



上又開河閘在縣西南三十五里南旺隄運河上  
袁家口閘在縣西三十里運河上俱有閘官其北  
有宏仁橋單閘新河頭單閘俱  
在運河東岸與金線橋相對南旺上閘在汶上  
縣西南  
三十里南旺堤運河上  
一名柳林閘有閘官南旺下閘在汶上縣西南三  
河上一名十里閘汶水自東而來行二閘之中由  
分水龍王廟前南北分流入運河謂分水口也分  
水之法上閘石底高三尺許下閘石底早三尺許  
故南少而北多也謹按

聖

祖仁皇帝勅諭分水口為水脊二閘最宜斟酌啟閉洩

于南當閉北閘洩于北當閉南閘萬世咸奉為法  
守恭讀我

皇上御製分水龍王廟詩注謂人皆知分水為人力不  
知實天地自然結勢於此荆門上閘在陽穀縣東  
尤為探本之論謹並誌焉五十里又北

三里為荆門下閘又北十里為阿城上閘又北三里為阿城下閘又北十二里為七級上閘又北三里為七級下閘俱在  
運河東岸有閘官

### 陵墓古少皞陵

在曲阜縣東北八里明統志少皞陵在軒轅陵東前有石壇石像又有八

卦石于慎行遊魯城記陵如覆釜甃以磚石有壇一成其上不屋府志陵前石碑四高廣各二十餘尺竈跌亦長二十尺其上無字蓋宋時所造碑成未鐫今有司春秋致祭乾隆十三年二十二年三十一年四十四十五年

聖駕幸魯俱有

御製謁少皞

### 陵詩 啟聖王林

在曲阜縣東二十八里防山北東距泗水縣三十五里為兩縣

接界之地林門三楹享殿三楹華棖承簷覆以碧瓦一如崇聖寺之制闕里志啟聖林在縣東二十

里叔梁大夫與顏氏合墓處南負防山北臨泗水  
禮所謂合墓于防者是也墓前有齊國公廟廊廡  
重門俱備金明昌間衍聖公孔元措立石表其神  
道碑之東南三步許伯皮墓在焉明永樂間知縣

孔希範立石 本朝乾隆十六年  
聖駕南巡迴蹕便道經此

特命

大學士陳世倌至陵前奠酒 按水

孔林

在曲阜縣北二

經注謂林在尼山南數里者非是  
里史記孔子世家孔子墓魯城北泗上弟子皆服  
心喪三年畢各相訣而去惟子貢復留廬於  
冢上九六年然後去弟子及魯人往從冢而家者  
百有餘室因名曰孔里魯世世相傳以歲時祀奉  
孔子冢而諸儒亦講禮鄉飲大射于孔子冢孔子  
冢大一頃注皇覽曰孔子冢去城一里冢塋百畝  
冢南北廣十步東西十三步高一丈二尺冢前以  
甃甃為祠壇方六尺與地平本無祠堂冢塋中樹

以百數皆異種魯人世世無能名其樹者民傳言孔子弟子異國人各持其方樹來種之其樹柞枋雄離女貞五味鳧檀之屬孔子塋中不生荆棘及刺人草王充論衡孔子當泗水而塋泗水為之却流水經注史記冢記王隱地道記咸言塋孔子于城北泗水上今泗水南有夫子冢孔叢子曰夫子墓塋方一里在魯城北六里泗水上諸孔氏封四十餘所人名昭穆不可復識有銘碑三所獸碣俱存

謹按孔林背泗面洙繞以周垣圍徑數里先師墓在中央高一丈五尺前有碑曰大成至聖文宣

王墓石祠壇在碑前厚三尺方亦如之壇石縱橫各七其數四十有九墓東十步許為伯魚墓南十步許為子思墓子思墓前有石壇上有二龕鐫云漢君攝元年二月造又有上谷府卿祝其鄉二碑碑前有宣和間立翁仲二外以瑞垣環之伯魚墓南為宋真宗幸魯駐蹕亭又南為楷亭西向又南

為享殿五間，偕享殿而北，四圍繚以周垣，方一里。直享殿之南，為甬道，中峙石鼎，一旁列石翁仲二。左執笏，右執劍，石麟、石虎、四華表，二漢永壽元年。魯相韓勅建，前有墓門三楹，東偏為思堂，雍正十年奉。

勅

造

左右廂各三間，孔氏子孫春秋會祀之所。林門外為

洙水，水上有橋，橋南為觀樓，其下林牆，牆周十餘里。樓在其上，魯故北城也。南為林門，門外有防。防左右守林，人聚族而居。其前又有大石坊，五上鐫萬古長春四字，明萬曆二十二年建。左右有碑亭。又南有橋，曰文津橋。林門與縣北門相直，夾道檜栢森然。本朝康熙二十三年十一月。

聖祖仁皇帝躬祀闕里，遂詣孔林至林門即。

命從臣皆下馬，駕至墓門降輦步入詣。

周 先師墓前北面跪三酌酒畢行三叩頭禮  
覽林木咨訪陳蹟徘徊良久林地故十八頃衍聖公孔

詔 給地十一頃有奇一切賦役蠲除雍正八年  
疏圻奏請增擴

詔 葺孔林享殿瓦色依廟工寢殿之制乾隆十三年二月  
駕至曲阜

詣孔林酌酒行三叩禮有  
御製謁孔林酌酒詩二十一年三月以平定伊犁

駕幸曲阜祭告遂  
詣孔林有

御製謁孔林詩二十二年二十七年  
南巡迴蹕至曲阜四十一年

東巡並  
詣孔林酌酒俱有

聖 御製詩 按林內伯魚墓南有亭南向為  
祖仁皇帝駐蹕亭林門東偏為思堂則

皇上

謁陵駐蹕之所恭識于此

**古蚩尤冢**

在汶上縣西南南旺湖中史記封禪書八神三曰兵

主祀蚩尤冢在東平陸監鄉齊之西徑也又注皇覽云蚩尤冢在東平郡壽張縣闕鄉城中高有七

尺常以十月祀之有赤氣出如絳帛名為蚩尤旗

**夏奚仲墓**

在滕縣東南六十里奚公

山上後漢書郡國志注地道記云夏車正奚仲所封冢在薛城南二十里山上齊乘奚公冢在滕州

東南青邱村奚山下古奚邑

**殷仲虺墓**

在滕縣東南奚仲墓東

**周魯公伯**

**禽墓**

在曲阜縣東八里魏書地形志魯郡有伯禽冢太平寰宇記冢在曲阜縣南七里明統志

魯公墓在曲阜縣東八里修隴蔓延不絕皆周魯諸公所墓其西墓伯禽南墓文公**鮑叔牙**

**墓**

在滕縣北十里今其地名鮑冢

**卞莊子墓**

在泗水縣東北四十里又見東昌府聊

城縣 按論語注莊子卞邑大夫蓋以邑氏者 顏也 泗水縣本漢卞縣可証聊城之墓存疑焉

子墓

在曲阜縣東二十里防山南前有碑曰先師 充國公之墓冢高丈餘西北數步為顏子父

杞國公墓其地廣袤各一百五尋 有五尺林木森鬱今亦名顏林

宰我墓

在曲阜縣西南

三里魏書地形志魯郡有宰我冢太平 寰宇記宰我墓在曲阜縣西南二十里 冉求墓 在

縣東南六十里奚仲墓旁府志魯有三冉仲弓伯 牛之墓已有定處惟冉求無考或比其地也 按

明統志續文獻通考俱云滕縣南三里伯冢社有 冉子墓縣志謂在伯冢社者乃伯牛墓在奚仲墓

旁者當為冉求墓而伯牛墓 又見東平州宛未知孰是 南宮适墓 在鄒縣高

柴墓

在嶧縣東五十里故蘭陵城北 左邱明墓 在 又陽穀縣治內亦有高柴墓



縣東北  
七十里  
**甯武子墓**  
在曲阜縣東南名清陵墳  
**孟母墓**  
在鄒縣北二十里馬

鞍山下墓前有祠宋孔道輔建元人張銅嘗作銘  
**孟子墓**  
在鄒縣東北三十里西基山西

麓墓前有廟宋孔道輔建泰山孫復為記後漢書

郡國志駟城北有孟軻冢太平寰宇記孟軻墓在

曲阜縣南四十里原屬鄒縣唐貞觀八年改屬曲

阜按孟子墓唐宋間改屬曲阜今又在鄒縣界

二縣南北  
相錯故也  
**公孫丑墓**  
在鄒縣西北十里齊  
**萬章墓**  
在滕縣西南十里齊

在滕縣西南十里齊  
**田嬰墓**  
在滕縣東南後漢書

乘在滕州南萬村  
**田文墓**  
在滕縣東南史記孟嘗君傳

君冢在薛城  
**田文墓**  
在滕縣東南史記孟嘗君傳

中東南阪  
**田文墓**  
在滕縣東南史記孟嘗君傳

薛城中向門東向門出北邊門也水經注潞水徑

薛縣故城北齊封田文于此號孟嘗君有惠譽今

郭側猶有文冢結石為郭作制嚴固瑩麗可尋行人往還莫不逕觀以為異見矣括地志孟嘗君冢

在徐州滕縣南五十二里毛遂墓在滕縣東南荀卿墓在嶧縣東故蘭

陵城南史記荀卿傳荀卿卒墓蘭陵太平寰宇記荀卿墓在承縣東六十二里漢張良墓

在滕縣南微山魏書地形志彭城郡留有張良祠冢太平寰宇記張良墓在沛縣東南六十五里有

廟又壽張縣亦有張良墓按沛縣近微山微山近留謂在壽張縣者誤也魯恭王墓

在曲阜縣東南七里魯漢諸王墓多在其地魏書地形志魯郡有魯恭王陵太平寰宇記在曲阜縣

南九昌邑王墓在金鄉縣西韋賢墓在鄒縣東十五里又韋昭

後漢書郡國志注劉蒼驕山記曰疏廣墓在嶧縣東二疏邾城東門外有韋賢墓北有嶧山

城東太平寨宇記在嶧縣東四十里又就受墓在縣東四十二里

蕭望之墓

在嶧縣東五十

里故蘭

匡衡墓

在嶧縣西南十三里墓左有祠宋宣和間建

江公墓

在滋陽縣南其子孫為博士者皆葬此

范式墓

在嘉祥縣南二十五里大鼎山前水經注

秦王陵東南范巨卿塚石柱猶存即今地也有廬江太守范府君碑今移置州學內

衡方墓

在汶上縣西南十三里平原村墓前有古碑漢建寧間立沒儀今衡立祠亦有一村

何休墓

在濟寧州北二十里

晉王肅墓

在嶧縣東南二十五里

劉伶墓

在嶧縣東北二

十里旁半里許有劉伶臺按伶沛縣人去嶧不遠今寧陽縣亦有伶墓誤也

南北朝

北齊顏之推墓

在曲阜縣東五里大道北今曰侍郎林府志顏氏自晉唐來為黃門

中書侍郎及六部侍郎者前後凡十三人皆墓  
於此故云其地周迴二里餘顏氏之裔祔焉 **唐**

**張公藝墓**

在壽張縣南十里

**五代梁王彥章墓**

在汶上縣西門外即

王彥章死節處也墓前有祠明成祖駐蹕汶上親祭  
其墓按歐陽修題彥章畫像記謂墓鄭州管城

此蓋後人掩其衣冠耳

**宋孔道輔墓**

在曲阜縣孔林內先聖廟西南

**金完**

**顏致墓**

在汶上縣南二十里

**元張昉墓**

在汶上縣南三里

**馬之貞墓**

在汶上縣東南十里

**曹元用墓**

在汶上縣西南七十里

**王思誠墓**

在滋陽縣

東南十里

**李稷墓**

在滕縣西北一里

**明許彬墓**

在寧陽縣東二里

**路迎**

**墓**

在汶上縣南七里

**殷雲霄墓**

在壽張縣北

**吳良能墓**

在滕縣東門外

范叔泰墓

在滋陽縣北

祠廟伏義廟

在滕縣西北五十里齊乘伏義廟在滕州染山顓臾風姓實司太皞之祀魯鄒

縣廟

堯祠

在滋陽縣東南七里漢熹平初建元和是也

之西唐李白有魯郡堯祠詩宋李昉有堯祠碑記

周公廟

在曲阜縣魯城內東南

之墟宋大中祥符時追封周公為文憲王重建新廟真宗親為之贊立石廟中春秋委官致祭歷代

因之

本朝康熙二十三年十一月

聖祖

仁皇帝幸魯回鑾至兗州

特命恭親王長寧禮部尚書介山往祭

御製碑文勒石廟北以後裔東野沛然為五經博士世襲

乾隆十三年二十一年三十六年四十一

聖駕幸魯

躬詣廟中展謁俱有

御製謁元聖詩詞勒石廟中又

御書額一曰明

德勤施

至聖先師廟

在曲阜縣南門內即闕里故宅也魯襄公

先師生于魯昌平陬邑卒於哀公十六年己丑四月年

七十三哀公誅之稱為尼父漢元始元年追謚褒

成宣尼公後魏太和十六年改謚文聖尼父後周

大象三年封鄒國公唐貞觀二年尊為先師十一

年尊為宣父乾封元年追贈太師開元二十七年

追贈文宣王宋大中祥符五年改謚至聖文宣王

元大德十一年加號大成至聖文宣王明嘉靖九

年改稱至聖先師孔子本朝因之史記孔子世

家孔子故所居堂後世因廟藏孔子衣冠琴車書

至于漢二百餘年不絕高皇帝過魯以太牢祀焉

諸侯卿相至當先謁然後從政水經注孔廟即夫子之故宅也宅大一頃所居之堂後世以為廟廟屋三間夫子在西面東向顏母在東間南向夫人隔東一間東向魏黃初二年文帝令郡國修孔子舊廟置百夫吏卒廟有夫子像列二弟子執卷立侍穆穆有詢仰之容漢魏以來廟立七碑二碑無字括柏猶茂關里志聖廟漢魏唐宋代有修飾宋崇寧元年詔名大成殿金皇統大定間制始大備元凡三修明洪武初重修永樂九年又撤其舊而新之成化十八年廣正殿為九間規制益宏宏治十二年災奉詔鼎建遣輔臣祭告嘉靖隆慶以來守臣代有修葺前後各有碑謹按廟制中為大成殿九楹殿中奉

至聖先師像南向左右列四配十二哲先賢像前陳法琅供器本朝雍正十年

御賜物有漢陶太尊一銅犧尊像尊山尊雷尊各一漢章

帝元和二年物也殿前為杏壇壇前有宋真宗御  
贊石十有二壇左右為兩廡各五十楹兩廡中間  
各開一門左通崇聖祠右通啟聖祠大成殿後為  
寢殿七楹左右翼各有門左連神庖及后土祠右  
連神厨及瘞所寢殿後則聖蹟在也自殿而南為  
大成門列戟二十四旁開腋門左曰金聲右曰玉  
振循金聲門而東為承聖門內為詩禮堂堂東為  
禮器庫其北即崇聖門有孔氏世系碑又北為家  
廟循玉振門而西為啟聖門內為金絲堂堂西為  
樂器庫其北即啟聖祠又北為寢殿出大成門列  
碑凡十二有唐乾封初贈太師碑崔行功撰儀鳳  
二年碑刻詔書二通開元七年修廟碑李邕撰二  
十八年修廟碑賈之宏撰咸通中修廟碑賈防撰  
宋太平興國中修廟碑呂蒙正撰景祐中講學堂  
碑成昂撰五賢堂碑孔道輔撰金大定中鄆國夫  
人廟碑明昌中修廟碑並完懷英撰元大德中加



封碑刻誥一通元統中賜夫子廟田宅碑歐陽元撰  
各處以亭碑亭之左為居仁門毓粹門右為由義  
門觀德門其前為奎文閣閣左右翼皆有門門各  
五楹其東南舊為齋所恭逢  
皇上屢幸闕里皆駐蹕于此閣之後碑亭十有三座一

為

聖祖仁皇帝御製孔子廟碑一為  
御製重修孔子廟碑一為

世宗憲皇帝御製重修孔子廟碑一為  
皇上御製孔子廟碑其五為我

朝遣官致祭文詞其四則唐宋金元諸碑石也其

前為同文門門左有漢魯相史晨祀廟碑魯相韓  
敕修禮器碑泰山都尉孔宙碑博陵太守孔褒碑  
右有漢魯相乙英百石卒史碑諸郡史孔謙碑魏  
曹植宗聖侯奉祀碑又前為大中門門榜示舊為  
宋仁宗御書門左有碑亭二為明永樂宏治時修

廟碑大中門前有三門金舊制也前為石橋三以跨壁水石橋左側為快觀門右側為仰高門直北為宏道門橋之左側有聖時門太和元氣坊東一坊曰德侔天地西一坊曰道冠古今坊前為櫺星門左右下馬碑二金明昌二年立櫺星門南為金聲玉振坊又有金水橋自此而南則縣城南門本朝康熙二十三年

聖祖仁皇帝南巡十一月

駕幸曲阜

躬詣大成殿致祭

先師孔子特行三跪九叩禮侑舞一如國學之儀禮畢御詩禮堂講書

特授聖裔舉人孔尚絃監生孔尚任為五經博士御書萬世師表四字懸額大成殿

御製碑文一道又御製孔子及顏曾思孟贊詞

賜衍聖公以下銀幣並敘錄孔氏陪祀觀禮官員生監等有差

命留曲柄黃蓋於廟中

特免曲阜縣田租一年三十年四月發帑修理聖廟明年

告成仍額

御製碑文雍正元年

世宗憲皇帝御書生民未有四字額於大成殿二年六月

衍聖公孔傳鐸疏奏廟災惟

先師聖像及新建崇聖祠獨全

詔發帑金

命大臣督工修建凡殿門廊廡用黃琉璃瓦先令繪圖進

呈

親為指授視舊益隆七年十一月丙申大成殿上梁前二

日卿雲見於曲阜縣

特命廣庠成科會試壬子科各省鄉試額

御書榜聯及大成殿大成門額名並

頌

送至廟中凡祭品俱內府製造聖廟崇聖祠舊名啟

聖祠專祀聖父叔梁公雍正元年追封

先師以上五代木金父公為肇聖王祈父公為裕聖王

防叔公為詔聖王伯夏公為昌聖王叔梁公為啟

聖王合祀祠中乾隆二年

御書大成殿額曰與天地參 頌闕里十三年二月戊

寅

皇上駕幸曲阜是日先

詣聖廟拈香至奎文閣降輦步入大成門行三跪九叩

禮翌日

親行釋奠如康熙二十三年儀四配十二哲及兩廡先

賢先儒崇聖祠各

遣官分獻禮畢

御詩禮堂進講

賜十三氏子孫宴

御製闕里祭

先師禮成詩及復聖宗聖述聖亞聖四贊  
御書殿額曰時中立極門額四日聖時曰弘道曰大中曰

賜衍聖公孔昭煥

御製詩一章並貂裘蟒服表裏經史  
授聖裔舉人孔繼汾為內閣中書舍人凡十三氏子孫

賜白金有差降  
有職者皆加一級進士以下各

聖祖  
旨遵  
例留曲阜祠黃蓋一于廟中

詔免曲阜縣次年地丁錢糧廣通省入學額數又  
遣大臣分祭顏曾思孟四賢專祠二十一年三月以平

駕幸曲阜祭告  
定伊犁

親行釋奠如十三年儀有  
御製設奠

先師禮成述事詩二十二年四月二十七年四月  
南巡迴蹕至曲阜

詣廟瞻拜並有

御製詣闕里瞻拜詩三十六年

東巡頒周時銅器十事交衍聖公孔昭煥有

御製紀事詩並

御製闕里祭先師禮成述事詩四十一年

東巡有

御製疊辛卯韵詩按前代自漢高帝十二年後漢建

武五年永平十五年元和二年唐乾封二年開元

十年五代周廣順二年宋大中祥符元年凡因巡

狩經過闕里者雖各致尊崇然儀文未隆典制未

備我

聖祖仁皇帝躬備至德心源相接詳酌典儀咸本

睿裁康熙五十八年

欽頒中和韶樂器于闕里我

世宗憲皇帝登極卽加封

先聖五代勒石廟廷以光盛典改稱幸學為詒學又

命凡地方姓氏及臨文所用遇

先師聖諱並加尸旁讀作期音以昭至敬我

皇上尊師重道率

祖攸行

御極以來六

詣闕里屢舉釋奠之典先後

頒銅爵簋簠豆諸祭器於廟中

勅樂部撰昭平宣平秩平叙平四時旋宮樂辭六章並

定陳設樂器之制改謁廟儀注獻為跪獻凡皆可

以備尊崇之禮者無一不至矣又按

先師後裔列代封爵不一宗崇寧中封衍聖公元明以

來因之本朝雍正八年

特旨增設執事官三品至九品四十員選孔氏族人充補

其曲阜縣知縣宗時初以孔氏子孫選充金元遂

欽定曰事全書

欽定大清一統志

三

為世襲明改世襲為世職 本朝乾隆二十二年

命改為在外題選之缺又 念現任世職歸部銓選不過思及其身而止

特授為世襲六品官尤見我 皇上玉成聖裔有加無已之至意二十六年又定四氏

聖

聖相

承道統治統一以貫之凡此典禮

尼山

聖廟

在

優隆實皆前古所未有猗歟盛哉

阜縣東南六十里周顯德中始於其地初朝以祀

夫子宋慶歷中文宣公孔宗愿大建廟宇元至順

元年衍聖公孔思誨請命重建賜額尼復聖顏子

山書院立學舍祭田設山長一人奉祀

復聖顏子

廟

在曲阜縣城中孔廟東北三百餘步即陋巷故

宅也宋熙寧間太守孔宗翰擴顏樂亭於其地

元元貞間始建廟至正九年歐陽元撰碑立廟中

明成化正德間奉敕重修增廓其制廟南有坊榜



曰陋巷府志滋陽縣復聖公廟舊在城東南八里  
唐開元中封顏子為兗國公即其地立廟春秋致  
祭歷代因之繼遭兵火明洪武十八年創建縣學  
遂于學宮奉祀又寧陽縣復聖公祠在縣西四十  
里顏子子孫有居于此者元時因立廟祀之仍復  
其家明因之本朝乾隆三十六年

皇上東巡有  
御製過陋巷顏子祠詩

### 宗聖曾子廟

在嘉祥縣南四十  
五里南武山下不

知創于何時明正統中修弘治中增擴其制門人  
陽膚沈猶行以下皆從祀焉正德間山東僉事錢  
宏訪得曾子之後一人于嘉祥縣中因欲請于朝  
未果嘉靖十二年吏部侍郎顧鼎臣奏求曾氏嫡  
派得質粹于江西永豐縣連居嘉祥  
至十八年授以五經博士世襲奉祀  
子羔祠在寧  
治述聖子思廟在曲阜縣城中孔廟西北隅舊  
東有講堂在鄒縣西北城下元元

欽定四庫全書

卷一百三十

貞初改為書院明宏治十二年始以衍聖公次子世為五經博士奉祀事本朝康熙二十九年

命

祀

曾孟三賢祀典孟母祠在鄒縣城南子思書院之一休立廟曲阜石府志舊在城北焉鞍山

後改置于此相傳即孟子故居有臺亞聖孟子廟高文許名孟子曝書臺元李洞有記

在鄒縣城南道左宋景祐四年孔道輔知兗州訪孟子墓得于鄒縣東三十里四基山因于墓旁建

廟政和四年奉詔重修後以距城遠徙建東門之外宣和四年徙南門外金泰和中燬元明以

來相繼重修門人樂正克以下皆從祀焉本朝康熙二十六年

聖

祖

幸

魯親撰碑文令所司立之廟廷乾隆二十二年二

十七日

聖駕南巡經鄒縣上親詣行香行一跪三叩頭汶河神廟在寧陽縣西北二十里明

成化十  
嶧山神祠  
在鄒縣東南二十五里宋大中  
一年建

賜額明改封  
泗水神祠  
在泗水縣東五里許陪尾山  
嶧山之神  
下前代封仁濟侯明改今稱

滄浪神祠  
在嶧縣北六十里浪浪淵上宋宣  
和間賜額為靈澤廟今載祀典  
伊河

神祠  
在嶧縣北六十里  
四年伊河既蕪因北岸建祠  
分水龍王廟

在汶上縣西南六十里南旺湖上運河西岸汶水  
自戴村壩轉西南流至廟前南北分流明初建廟

於其上以鎮之天順二年主事孫仁重修學士許  
彬有記今春秋秩祀乾隆三十年三十六年四十

一年四十五年四十九年  
聖駕東巡俱有

御製分水龍  
王廟詩  
滕文公祠  
在滕縣城內文廟東即元性善  
書院明萬歷三年改為祠以然

友畢戰從祀焉後燬於火本朝康熙間於二疏  
南門外重建書院移文公舊像祀於後殿

祠在嶧縣東四十里二疏  
宋尚書祠在汶上縣分水龍王廟西

明正德間建白老人祠在汶上縣北十村壩東龍  
祀尚書宋禮王廟後明萬歷二十六年

建嚴公祠在東平義姑祠在寧陽縣南門外舊在  
州元建縣東北八十里宋建明

嘉靖十八年主事三公祠在嶧縣西南萬年間北  
張文鳳移建於此岸本朝乾隆二十八

年建祀明總河舒應龍都御史劉東星李化龍三  
十年

聖駕南巡迴蹕水程經此  
御書額曰績均沕運恭懸祠內

寺觀興隆寺

在滋陽縣北門內仁壽二年建舊名普  
樂宋太平興國元年改名王禹偁有記

有古塔十三級高峻入雲隋時物也迴鑾寺在寧陽縣葛石社宋祥符中東封太山駐蹕于此

名開元禪寺在鄒縣東羅頭泉林寺在泗水縣東五里之陪尾山下寺之左右皆深林茂樹有大泉十數渟泓澄澈互相灌輸會而成溪是為泗水南經汴城東有橋曰卞橋西至邑城會流焉後有大泉數十南來交會入于泗水以達曲阜大抵邑境數十里內泉如星列皆泗水也以泗水在東又多古木故曰泉林相傳子在川上即是在此處本朝康熙十三年

三年

聖祖南巡迴蹕至曲阜經泉林寺有御製泉林記乾隆二十一年于泉上建

行宮

聖駕幸魯迴蹕駐此御製泉林詩二章又

御製行宮八景詩曰近聖居曰在川處曰鏡瀾榭曰橫

雲館曰九曲行曰柳烟坡曰古蔭堂曰紅雨亭二

十二年二十七年三十年三十六年四十一年四十五年四十九年

東巡駐蹕俱有御製詩並勒于石凡

賜御書額

顯慶寺

在滕縣城南五代漢乾祐中建金大定二年賜額

清涼寺

有

九

一在滕縣東南漢宮村五代時建一在縣東北三十里東郭村金大定間修僧月曇撰記重福

寺

在滕縣東北牙山唐武德間建

靈芝寺

在滕縣東薛山前唐初建元大德間重修大

雲寺

在嶧縣西北四十里唐天寶間為永安寺宋宣和中為巖公寺金大定間更名寺前多

古木有許由泉環繞寺側

萬壽宮

在滕縣薛山東北隅丹陽洞元長春真人邱處機建亦名

雲峯

清真觀

在嶧縣治東南元為玄都宮

龍門觀

在嶧縣北六十里滄浪洲西宋時建

其地峯巒環抱竹樹掩映稱為勝地

欽定大清一統志卷一百三十